

晚晴籀詩匯

第二五册

上海圖書館藏



晚晴簃詩匯卷六十二目錄

高斌 二首

楊廷璋 二首

李世倬 一首

陳履平 一首

謝重輝 十五首

于熙學 一首

梁錫珩 二首

唐英 二首

陳宗石 一首

張霏 五首

柏格 一首

諾岷 一首

朱綱 一首

薩哈岱 八首

施世驃 一首

述明 三首

拉欵 一首

訥爾樸 二首

珠亮 一首

明泰 五首

賈樸 二首

王元樞 三首

金南鎡 一首

張學林 一首

孫元衡 七首

鮑鈺 七首

余國檣 一首

賽音布 六首

胡星阿 四首

關舒 一首

峻德 四首

額爾登萼 一首

唐芳第 二首

趙念曾 二首

王郊 一首

朱永齡 一首

顏肇維 二首

林禱 三首

劉紹攸 三首

夏熙臣 二首

趙思植 二首

王世芳 二首

徐基 一首

劉翼明 五首

楊名鱣 一首

朱緯 二首

沈甯遠 四首

左世瑞 一首

晚晴籀詩匯卷六十二

徐世昌

高斌字右文號東軒滿洲旗人由內務府主事官至文淵閣大學士改大學士銜管江南河道總督贈內大臣銜諡文定有固哉草亭詩

秋日薊門道上口占

秋山行近薊門東
煙樹蒼茫葉漸紅
愛煞雲巖如畫裏
卻忘我在畫圖中

子夜

深山鑑影伴坐久
夜初分窗掛藤蘿
月檐棲檜嶺雲鐘聲
林外度天籟靜中聞
此際層樓上鑪香細細焚

楊廷璋字奉峩號玉亭漢軍旗人世襲佐領由筆帖式

明詩錄卷之二十一
官至體仁閣大學士刑部尙書贈太子太保諡勤愨
有玉亭餘集

南郡多熱冬月桃花盛開詠此以誌物候之不齊云
十月桃花鬪嶺梅天紅點點爲誰開瘴天漏泄春光早荒
服炎蒸造化回酒暈玉腮香淡蕩月明珠箔影徘徊劉郎
幾度迷仙徑卻向三冬自剪裁

和新柳元韻

條風輕蕩漾弱柳不勝春會見成陰日能忘種柳人曉鶯
眠未穩淺黛雨初勻且喜垂新綠盈盈不染塵

李世倬字漢章號穀齋漢軍旗人歷官副都御史

詩話穀齋且園甥其畫不以指以
筆山水人物花果各極其妙

題畫

亂山深處黃茅屋活水灣頭白板橋但得人來常問字劇
勝蓑笠溷漁樵

陳履平字勉夫商邱人監生歷官右通政有南原詩藁

東阿道中

犂确東阿道疲驢策不前亂峯圍落日野水浸遙天林閃
孤村火雲深古寺煙遙聞鐘梵動欲借上方眠

謝重輝字方山德州人官刑部郎中有杏村詩集

王漁洋曰去膚存骨去枝葉存老幹真賞甚稀存之
篋中以待元次山杜清碧其人相賞於茲指之外
沈歸愚曰比部詩學陶公未極自然而旨
趣已高擺脫塵空真樸處殊近儲太祝

詩話方山與田山薑馮大木同鄉里詩名不及二人
之煊赫然意境高淡五言田園詩最擅勝場七言近
體跌宕清新皆超然塵表集中多載漁洋評
語盛致推挹在國初山左詩人中足據一席

東皋

晚晴錄詩匯卷六十一
二
投種須及時大率穀雨前良農知時節夙駕來中田倉庚
鳴向我翔集立南阡似謂耕耨苦勸我暫息肩浮雲從北
來細雨潤前川富足雖未期飽食鹿終年

桑

我昔聞諸葛園林徧種桑吾宅纔五畝牆下亦成行不愛
椹子垂愛此遠枝揚濃陰日夕佳常在吾廬旁五岳老難
游對此可徜徉鳴鳩忽高飛三嗅入斜陽

萱草

老去恆內省不懼兼不憂閒種萱草花時得覽芳柔曉看
迎露放暮看逐風收纔茲旦暮閒已如四運周孰云忘憂
草遇日轉添愁不如忘形骸任彼歲月流

郭中丞枉駕北園

中丞小駟造巖荆問柳穿滕到草亭荒徑經時園鳥看胡
牀談舊野人聽蒼生原未忘安石白帽無煩羨管甯地僻
郊遐人跡少何期忽覩少微星

歲暮絕句

小槽新壓勝流霞斟酌雞鍾酒浪斜漫笑醉餘無箇事膽
瓶親插水仙花

映階殘雪尙輝光一笑柴門掩夕陽屋角梅花爭破臘夜
闌消受下風香

攤書卓午紙窗明遣興新詩又早成賣卻巾車羸歲事深
居不用歎徒行

四壁殘鐙一樂窩蕭然獨坐鬢成皤較量故舊無多在休
怪門前有雀羅

適野

適野聽鳴禽輕策冒朝旭怡然接春暉遂縱千里目迢迢
東皋田蔥蔥北林木黃鳥忽中出交交相追逐側耳慰好
音輕風吹初服迴顧田舍人農書老猶讀無怪沮溺輩經
年事耕牧我欲叩其端白雲掩茅屋

中庭

綠陰不須期日出臨戶牖空翠侵衣襟坐來徧左右夏屋
匪我存而況貴與富但收十斛麥易酒招親舊禮失求諸
野無甯理籩豆相逢爭席罷便譚桑麻茂依依情旣眞留
連惟卜晝可憐世上人斯樂誰能究

春來

春來何所事依然耽琴書親昵稀來往人事欣無餘我身

既暇嬾我性日益疏時從池上酌往往臨清渠春山到眼前
好風徧庭除碧柳漸覆井蒼松鬱不舒時鳥解人憐相
向各自如因之坐松下日暮傾一壺

王子干過訪

汝貌驚如此吾衰復若何梳頭憐白髮裹足避青莎故友
貽書少新知下石多幽棲正愁絕喜見子猷過

過大木宅有感

風掩蓬門舊宅荒就中何處最淒涼停車不見吟紅藥駐
馬惟看種白楊棟宇凋殘嗟向秀圖書零落感文昌可憐
滿篋雕龍賦未得生前動漢皇

夏日偶至山薑村因過漁唱軒尋造蒙齋侍郎墓次

感舊述事

柳老鶯殘打麥時
望中院落起人思
蕭閒山館沈蛛網
曲折迴廊上
兔絲撫景不堪長
戀戀感知聊爲去
遲遲回頭
勝跡今成夢
吻喝何因共一卮

丈四高墳宿草深
初栽松柏已成陰
豐碑頗悉生前誓
墓微徵死後心
雄辨思來猶約略
風儀無計可追尋
二年
留得生芻在
腹痛誰知忍到今

于熙學字無學號秋溟文登人諸生官工部郎中有鐵槎漫語

初冬

老屋三間向水開
野禾收盡又冬來
溪雲釀雪濃兼雨
園樹當風般似雷
落雁聲中沽酒去
寒山影裏抱琴回
何人
寂寞能相識
大半心情付早梅

梁錫珩字楚白號深山介休人諸生候選郎中有非水

舟遺集

客中九日登高

未倦登臨興其如客感生候逢黃菊節人在白登城野曠
寒山色樓高急樹聲誰知雲裏雁先我竟南行

送顧秀野南歸和留別韻

淮南叢桂長新枝趁可歸與意在斯去雁影低秋水外暮
蟬聲曳夕陽遲風流一散難爲別物色征行總入詩京洛
詞人零落盡騷壇管領更依誰

唐英字俊公一字叔子號蝸寄漢軍旗人歷官內務府
員外郎九江關監督有陶人心語

李穆堂曰俊公權兩淮復權九江珠山昌水見
之筆墨者爲多讀起蛟行見愛國愛民之心

詩話俊公潘陽人隸內務府康熙時直養心殿雍正
初命佐年希堯監江西窯務任事逾三十年故以陶
人自況至今言景德御藝者即廷佐後以年窯唐窯
並稱撰陶治圖說二十篇進呈畫院孫祐周鯤丁觀
鵬繪圖又刻陶成紀事碑備列燒造名件自寫其象
為陶成圖希堯作詩紀之兼權淮安九江調粵海關
次子寅保乾隆戊辰進士命以庶吉士銜往粵協理
逾年仍移九江重葺琵琶亭置筆硯徵過客賦詩時
目為風雅好事入旗通志謂其詩綽有清思不失雅
則工書畫陶人心語外尚有續選十五卷今未見其
送吳堯圃之均州云此行陶治賴成功鐘鼎尊罍關
國寶玫瑰翡翠儻流傳搜物探書尋故老又云陶鎔
一發天地祕神工鬼斧驚才雄文章制度雖各別以
今仿古將毋同蓋宋均窯亦仿於是時也近體如浮
梁晚歸云山暗殘霞歇江寒夜氣生沂州道中云一
天雨意寒重九滿路黃花接兗州題自畫清秋獨立
圖云東風暝處寫西風羞藉臙脂媚世工冷
卉獨禽濃淡筆春秋興會墨池中亦多可採

昌江夜泛過玉筍峯

浮梁西去昌江隈
兩拳岌立江天開
造物直自鴻濛闢
神工鬼斧驚奇材
削出芙蓉雙蓓蕾
稜收皺隱凝崔嵬
女媧

失手落江滸嶙嶒激取蛟龍怒幾番欲攫夜光珠磯礮霹
靂隨風雨青山碧樹同春秋朗月明星照今古今古春秋
億萬年嶢嶢玉柱撐空天三百六十灘水惡狂瀾到此流
涓涓玉山不頽清流在米家長揖徒成顛莫將嵩岱藐拳
石海田縱變無移遷

起蛟行

起蛟起蛟天茫然好生好殺敢問天一蛟方生萬戶死江
左江右常若此蛟也幸矣民堪憐江邨溪堡填深淵蛟生
於天何功德民死於蛟何冤愆將欲殄惡彰天討洪濤誰
見分愚賢更謂民孽應浩劫狂蛟司命天無權天不見蒼
頭黔首蚩蚩子骨肉漂流一時死攀流觸浪命懸絲呼救
號天天不理縱使萬死漏一生廬舍田園空逝水今宵新

鬼昨宵人昨日富室今孤貧一草一木天生意忍驅赤子
飽鬻鱗安得周處斬蛟劍徧搜谿谷窮涯津盡斬蛟頭掃
種孽狂瀾永盡無沈淪

陳宗石字子萬號寓園商邱籍宜興人由知縣歷官戶
部主事有二峯山人詩集

詩話子萬爲定生少子明季定生與侯朝宗交善朝
宗以女妻子萬子萬年十四贅於侯遂改籍入國朝
仕爲安平令著循聲爲湯文正所
薦能詩與伯兄其年才名相埒

立夏後二日雨中答侯敷文見柬

毵毵柳絮春剛去細雨如絲綠欲流喜得故人新釀熟挑
燈相對竹窗幽

張霏字念藝號笨山撫甯人貢生官內閣中書有帆齋
逸藁晉史集欵乃書屋集綠豔亭集

詩話笨山門第華廡獨蕭然如寒素顏所居日帆齋
言無常處也與龍東溟爲神交詩有玉川之奇肆太
白之飄逸與黃仲則異曲同工

古相思辭

郎是天上雲隨風東西南北游妾是杯中水瀉地東西南
北流雲游去作何方雨水流但溼庭下土土生相思草恨
郎歸不早雨溼合歡花忘妾獨在家

晤贈姜西溟

直道存先輩真堪作史才北門艱一晤東海喜重來心事
春雲散聲華晚菊開高歌人莫測呼我上繁臺

汎溪

日落村邊路風涼溪上舟居人多草食釣叟幾羊裘一葉
平生志空江五月秋客星今寂寞煙水共誰游

春日雜詩

歲歲東海上殘春始見春閒吟夢草句老作看花人風雨
三沾水輪蹠十丈塵槎飛仙島近不問五陵津

抱甕園偕龍東溟李霖臣孫君選王野鶴作殘春詩


值馬大龕自都至

幾坐津頭春水船滔滔流水暮春天偶逢京國飄蓬客話
到山人種杏田積雨半庭雙海鶴浮雲千里一風鳶神仙
富貴都休問且醉桃花酒甕邊

柏格字又南號行園滿洲旗人官內閣中書有行園集

關山偶感

西風吹夕陰萬里鬱沈沈古戍荒城廢空山亂石深地寒
多見雪樹老不成林何爲幽并子長懷出塞心



諾岷字慶源號迂亭滿洲旗人官至山西巡撫

詩話迂亭平生重行義當官以清介稱撫晉奏請以耗羨歸公一時評者甚多卒如其議

登岱

高以天爲限名標日觀雄尊崇首五岳典秩目三公剝影
雲端見鐘聲海上通何當凌絕頂懷抱一爲空

朱綱字子驄高唐人貢生官至福建巡撫贈兵部尙書
銜諡勤恪有蒼雪山房橐

曉起

曉風發曙光清冷徧郊野起來有宿醒昨飲盡三雅舊被
推牀頭羣雀亂檐下掃地苔滿砌軸簾松覆瓦回視插架
書取次手中把竹闌滴瀝聲尙有露珠瀉擾擾市囂起漸
聞走車馬

薩哈岱字魯望滿洲旗人廕生由主事官至福州將軍
有樗亭詩藁

城西行

朝出城西門暮返城西路風送路旁塵春老門前樹行客
日紛紛來往無閒步何如抱甕人安居守寒素

搖動石

蚍蜉思撼樹螳螂奮當轍物情固不量物理亦難決峩峩
古田盤怪石森羅列小者狀磊然大者勢巉絕中峙蒼玉
根攬空嵐翠裂鬼鑿旁無痕神工下有楔縱使力拔山一
手誰能抉我來試撫搖動盪乃不輟未著祖龍鞭似聽生
公說對之聳奇觀令人欲撝舌幻象費揣摩靈蹤覩親切
返步下山椒夕陽半明滅

有女

東鄰有女似花枝十五盈盈學畫眉一朝嫁作貴人婦未
許尋常側目窺西家女比花枝好二十無媒成潦倒時時
對鏡起長歎只恐朱顏容易老吁嗟乎春發桃枝秋桂枝
遲早由來各有時

述懷

同儕俱不賤株守獨如何夜月聞雞舞秋風拔劍歌才原
憐我拙事已讓人多慚愧王章婦相依十載過

過友人村居

故人久不見相訪過前村流水溪邊路藏雲樹下門桑麻
新雨潤雞黍古風存擬卜誅茅地從君共避喧

寄懷漢三三兄

晚晴雜詩圖卷之十一
九
大被三年隔長征萬里賒葡萄愁處酒芍藥別時花上國
遙雲樹高城急鼓笳阿兄休內顧好繼李輕車

歲暮感懷

天意寒將雪爭林雀亂嗁孤懷傷歲暮小立倚樓西竹葉
違良友梅花憶故妻所思都不見愁與凍雲齊

西山道上

載得詩囊與酒籌爲乘高興一探秋葦殘斷岸寒驚雁禾
熟荒田曉放牛野菊黃鋪橋畔路山楓紅抱寺邊樓龍潭
舊是登臨處不負西風續勝游

施世驃字文南漢軍旗人官至福建水師提督贈太子

少保諡勇果

詩話勇果繼襄壯專闡將門出將建節緩疆與藍
氏二襄毅勳名相頡頏皆能以韜略世其家者

滄墅晚眺

薄暮登樓眼山前落日斜晴雲低海角孤嶼迴天涯隱隱
靈鼉鼓迢迢逐浪槎牧人歌犢背淒切入秋笳

述明字東瞻滿洲旗人歷官甘肅平涼鎮總兵有積翠

軒詩集

同友人吳南岐登道州城樓有懷

高閣峻嶒倚素秋興來攜客一遨游仙橋未斷人遙指冰
石無寒蹟尙留嶺樹平凌青漢迴巖峯遠並白雲浮元公
風韻遺濂水沁入瀟江派自流

秋日武岡南樓懷古

南樓高敞碧霄懸極目平沙沒遠天濟水潺湲空日日野
禾離秀自年年仙家丹竈荒山裏勝國遺踪夕照前千古

低徊傷往事杜鵑嗁破早秋煙

塞外

五月猶飛雪三春未見花炎風初解凍夏草漸萌芽畫角
寒聲迴旄頭白氣斜樓蘭如未斬不敢顧身家

拉歆號雪窗滿洲旗人厯官散秩大臣

丁酉春日感題

隔歲遺愁在經春改舊容世情催白髮老態倚蒼筇門靜
無新客心空有暮鐘百年成底事漫作蜜巢蜂

訥爾樸字拙菴滿洲旗人襲一等男有劃沙集

席竟送客過圖逸叟蔬圃觀靜涵逸叟奔復共問亭

閱案頭說鈴日暮始歸

屐痕杖影亂斜陽相送無心出短牆散步井牀苔徑滑觀

枳鄰圃柳陰涼客傷舊事裁新句我擬愁城築酒鄉回首
柴門分路處滿城雨氣正微茫

連雨次答方問亭

無端靈雨經旬阻倍覺淒清到客居徑碧痕猶殘蘚在裊
紅香漸落花如蓄鮮罷翦園中韭防溼閒移枕畔書淪茗
濡毫都不耐課童屋角種新蔬

珠亮字韜明滿洲旗人襲一等男有冷月山堂詩

山寺閒步

地僻景逾靜霜寒菊更幽閒階徐步處覽盡一庭秋遠岫
隨雲杳清泉帶月流微吟情不倦風物足淹留

明泰字曰乾號拙菴滿洲旗人由筆帖式歷官都察院

經歷有拙菴集

九日登山

歸雁背寒、颺陽卉摧霜雪輟策登高岡張組酌嘉節誰言
酒一尊可解腸千結放眼足愁人感時易傷別風塵天地
暗故舊音書絕鄉關萬里遙斜日煙中滅

秋日東郊晚步

禾登野色寬葉落孤村冷山徑牛羊下柴門雞犬靜時有
暮歸人慙慙月中影

懷來遇雨

颯颯來涼吹濃陰去徑迷煙橫高樹斷雨壓遠村低斜日
明山外歸雲過水西遙知城市近風定乍聞雞

秋村

旅雁湖天足稻梁薄寒終日據匡牀薜蘿月小門深掩蟋

蟀聲多夜乍長到處田塍收稼穡誰家礎杵搗衣裳先生
那有經秋計只對黃花略舉觴

仲春漫成絕句

芳草依依沒舊痕望中新柳識山村餘寒任在東風裏燕
子來時不閉門

賈樸字素庵號慎旃又號宜村故城人貢生歷官江南

蘇松常鎮太糧儲道參政兼蘇州知府

詩話素庵初官思明同知攝思恩府田州岑氏母子
爭政素庵諭解之土目陸師等謀為亂素庵單騎諭
降境內敕定修明庶政民以大和後知蘇州屏請託
絕苞苴以廉平為治聖祖南巡知其賢擢江常鎮
道蘇州民集數千人持黃幟具疏遮道乞留乃命移
領糧儲仍兼知蘇州從民願也素庵有詩日一瓢酌
吳水仰答天家恩及為總督噶禮劾罷歸里景州知
州周鉞為顏其別墅曰惟飲吳水見者以為紀實

別徐郎子昆季同學

二徐瀟灑顧空羣屈宋清華班馬薰此後蠻煙繚繞處也
應重憶舊論文

文字數行千載期麗江晨夕少人知而今話別添惆悵翻
恨與君相遇遲

王元樞字斗南號書門濟甯人由知縣歷官廣東海南
兵備道有書門山人詩

九日游嶧山入洞過石梁登自山最高頂

嶧峯纍嵯峩秋磴紆迴互履節展高興呼侶逐幽步魚貫
下曲竇猱攀凌窄路沈入杳晝冥漸出豁天曙巨石忽裊
砢夾谿相牴牾飛梁懸干仞微命爭一度過險悔輕蹈定
性卻重怖默默立巉巖遙遙肆指顧感秦失樂石愴紀餘
荒墓山上有王墓興廢由化遷年壽誰云固安得偕雲車長與

列風御何必采茱萸褰裳溼寒露

太白樓

秋色圍城郭高樓盡一攀
屢連原上樹村帶雨中山我憶
孤臣迹時看落日閒可憐
大河水不舍下長灣

怡園

寂寞金谷舊空庭容我過
如何喬木裏偏是冷雲多
花氣沈秋水山光動女蘿
珠簾猶未捲夜夜想笙歌

金南鎮字夏聲平湖人拔貢
歷官陝西鹽驛道

詩話夏聲初以部郎監南新中南二倉出入有法高
安朱文端以清慎薦累遷至監事忤年羹堯為所劾
罷羹堯被譴為罪狀之一夏聲家居尚風雅
沈客子輯樵李詩繫獨任剖劖存鄉州文獻

贈呂雨村鹺使猶龍

河東後裔五作相
文安代興美寅亮
華嶽鍾靈毓大賢
董

明時彙言 卷六十一
三十一
巖復爾臨湖上經文緯武莫與倫雙鹿夾轂豹爲茵畫戟
半籠紅玳瑁花槽都束翠麒麟緇衣之宜雅好士案牘餘
閒訂經史賞心豈肯涉點塵促膝時聞疏奧旨廡西新闢
亭三楹翛翛竹色攢空青壽母板輿御春日至樂何減登
蓬瀛公爲天子東南鎮十七郡人賴憂軫行將丹詔入黃
扉指揮庶績皆平允湖涯賤子舊生徒十年枯坐據槁梧
蠡瓢耐可探玉海蓬心猶許對冰壺此中真意世莫識惟
有香風吹赤鳥大厦帡幪構萬閒懷恩不獨平原客

張學林字念耕號圖東丹徒人諸生歷官河南河陝汝
道有圖東學詩

曉發口占

又復衝寒去雞聲引鐸聲暗塵人跡起殘雪馬頭明裘敝

猶堪戀裝輕不礙行歲華甯足歎辛苦是平生

孫元衡字湘南桐城人貢生歷官東昌知府有赤嵌集

片石園橐

詩話湘南循吏工詩赤嵌集乃官臺灣郡丞時所作
奇情壯采頗足稱其山川有裸人叢笑篇十五首紀
番俗詭異不失古意七言如春興云噓雲睨日千金
縷腹海邊天兩碧環述懷云流光淡岩同皎室氣味
酸寒似橘官寫景言情達所難達不同浮響片石園
橐未見四庫存目亦僅收赤嵌集一種恐餘已散佚
矣

除臺灣郡丞客以海圖見遺漫賦一篇寄諸同學

中原十五州無地託我足銜命荷蘭國峭帆截海腹披茲
瀛壖圖島嶼紛可矚回身指南斗東西日月浴颶風怒有
聲駭浪堆蓬幅滌汜終古心瀆養萬里目毫釐晰舟輿稊
米辨巖谷道奔裸體人市莽連雲竹覽者睫生芒聞之肌

起粟寄語平生親將毋盡一哭

乙酉三月十七夜渡海遇颶天曉覓澎湖不得回西

北帆屢瀕於危作歌以紀其事

羲和鞭日日已西金門理檝烏鵲棲滿張雲帆夜濟海天
吳鎮靜無纖翳東方蟾蜍照顏色高低萬頃黃琉璃飛廉
倏來海若怒積颶鼓銳喧鯨鯢南箕簸揚北斗亂馬銜罔
象隨蛟犀暴駭鏗訇兩耳裂金甲格鬪交鼓輦倒懸不解
雲動席宛有異物來訶詆伏膺僮僕嘔欲死膽汁厯盡攣
腰臍長夜漫漫半人鬼舵樓一唱疑天雞阿班眩暎痠筋
力出海环琰頻難稽海舶內稱望遠者爲阿班舟師爲出海不見澎湖見飛
鳥鳥飛已沒山轉迷旁羅子午晷度錯陷身異域同酸嘶
況聞北噍沙似鐵誤爾觸之爲粉齋回帆北向豈得已失

所猶作中原泥浪鋒
吞漢鶴首立下漩澗
白高桅低怒濤
內濺頂踵溼悔不脫殼爲鳧鷖
此事但蒙神鬼力
眈然大地真浮穉
翠華南幸公卿集
從臣舊識咸金閨
挂冠神武蹤已邁
願乞骸骨還山谿
讀書有兒織有妻
春深煙雨把鋤犁

晚眺

他鄉莫望遠獨立
况黃昏落日鎔天海
歸舟刺島壘
鷓鴣無緩翦
魚虎不空翻
此際忘機者
心情孰與論

重陽日小憩下茄冬社

竹翠山光撲面來
欲酬佳節在深杯
白衣那遣文身著
黃菊毋勞絕域開
已慣風多頻落帽
不因鄉遠罷登臺
漫言此地無鴻雁
省卻遼天一段哀

日入行

赤嵌東山高萬丈金方溟漲天爲池羲和駕馭火鞭疾霞
車虹靺來何遲未盱登臺望蒙谷虞泉下掬臨崦岵是日
天海明無翳冉冉崇蓋觀西馳火輪漸低光轉近與海鱗
甲交離離初沒半輪如合璧神芒百道兼千絲驪珠旣墮
萍實隱九瀛化冶金鎔時跋烏戢翼不我與燭龍低首焉
能爲陽氣接戍便灰死喙矇矇曖徒透迤巨浪翻光忽騰
沸萬烽並舉邊人疑鎗鈇豁聞舒長影爚爚震震焚其達
烈燄烘雲煩煅鍊洪鑪煮海還蒸炊佛國明鐙不知夜神
邱火穴良可窺燦燦應符再中瑞輝輝擬見連珠奇空中
長繩逝欲輓河上杖策行當追戈揮三舍戰未已射落九
馭蘇來隨西隅白虎其宿昴功成宜退胡相稽長留山頭

少暉語天目未閉諸神嬉佇立荒臺蓮漏下焦煙滅盡星
光垂憶昔山東登日觀峯頭道士能狂癡天雞一唱呼我
起巖巒遠接扶桑枝金柱紅盆耀溟渤三山隱見浮蛟螭
大地光明杳何極夢魂往往親重曦焉知落拓滄洲外斷
蓬卻逐西傾葵生死浮沈吁可怪寸心炯炯無人知

紅夷劍歌

海潮迅瀆千丈波寶劍出匣悲風多劍身三尺菖蒲葉文
成蚪蚪星辰羅耿耿光明拖疋練潢潢氣勢翻長河繞膝
柔如弓抱月錚然脫手鏘鳴珂壯士斫石迸陰火應聲解
物無延俄寒鐙照夜老蛟泣冷雨入屋神龍歌長鬚遺民
向我說兒時喪亂淪於倭長厯荷蘭諸絕國酷嗜長劍情
靡他蕃禁例同盜神器得此逋竄遭蹉跎渡海中流鬼物

奪雷公雷母頻搗訶歸向中原迺拂拭照見頭髮霜爲皤
良工導我開生面千金裝飾十年磨佩之邪心除已盡世
人不敢輕摩挲我有墨兵久不用覩此神物心平和願見
聖人舞干羽喜逢宇內銷兵戈遺民掀髯發長嘯太平對
此將如何萬事不平今已矣掉頭蹈海雙滂沲

澎湖

七十二嶼稱澎湖滄溟萬里開荒塗嶼嶼盤紆互鉤帶洪
波割據成方隅東西二吉門戶壯將軍之澳爲中區雄師
鎮壓馬宮汎天然犄角中邦無其餘賦形非一狀紛陳簞
盞兼盤盂蛟蛇拳曲龍隱見獅象蹲踞僧跏趺諸流回復
舟難入逆帆欲泊興嗟吁百折終成觸礁勢狂瀾反走如
亡逋有時無風水澄鏡咫尺膠固誰能逾巨舸理不任篙

檄束手待敵甘爲俘汪洋指南爭此土既到往往遭艱虞
昔日王師事征討神兵彷彿前馳驅風摧火滅甘泉沸降
幡夜出臺山陬制府謀成輸百萬冠軍一戰真良圖事關
正統豈微細封賞有間傳聞殊榜人維舟汲清水躡蹤到
頂招吾徒黑鐵崩崖潮欲縮黃沙古磧鹽爲汗蠓島峯巒
咸破碎鳧疊草木原焦枯大海東流無底極振衣一嘯心
踟躕

鮑鈐字西岡又字冠亭號辛浦又號待翁又號夢庵居
士漢軍旗人貢生歷官嘉興海防同知有道腴堂詩

編

王德甫曰辛浦詩宗法新城豐贍流麗自然合度隨
手脫稟卽自書之以付雕工或曰更無待於論定耶
辛浦笑且歎曰吾老矣而無子漫爲之亦漫存
之耳或曰是定可以免長吉中表之累者也

詩話辛浦國初大學士承先曾孫初為詩其師何潔
堂授以淵明子美太白東坡四集後泛覽各家於近
人尤愛漁洋康熙乙未初知長興時李敏達督浙治
尚綜覈謂湖守曰長興令日賦詩吾將列入彈事守
謝曰當令改之退而戒辛浦辛浦賦詩如故然邑中
百事修舉百姓頌之李徐察之亦不怒也居四年罷
去有長興集三卷及再莅相距十二年矣有後長興
集三卷卒時先以書與全謝山曰一生偃蹇惟操履
粗堪自信吟詠聊以自娛
惟先生憐之謝山為作傳

夾山竹林寺

谿訝通積翠一徑抱幽岑白日下松杪清風滿竹林山空
寄奴跡泉響戴暄琴茶話忘歸去滄江暮靄深

張文獻公祠

唐相經營地靈祠灌木圍笏囊人共羨羽扇恨偏違望祭
神鴉集焚香海燕飛千秋金鑑錄風度想依稀

惶恐灘

江霧失山曉乾坤一混茫高灘荻苗冷微雨豆花涼牛馬
渺難辨魚龍深自藏不須說惶恐前度已神傷

宿棲賢寺

三日游廬南徧歷諸古寺雖未造其巔亦頗稱快意棲賢
劇幽遐李渤讀書地五老翼然臨石人

俱峯名

宛相企秋深

葉綴紅林密煙含翠坐卧雲遶衣溪聲裂檐際冰霜冷衾
稠鐘磬清夢寐凌晨禮世尊一探珠閣祕老僧啟塔函示
我佛舍利玉瓶托金盤光芒駭魑魅日精與月華不可以
思議膜拜袒右肩白椎參妙義我抱禽向情未脫周何累
每耽方外游依依不能置何時遂初心料理出世事作佛
似可圖勇邁何驃騎

春日有事學宮同馮校官登尊經閣次日雨中奉寄

春陰日日涵朝暉山城睥睨如重圍
 怱怱已過二月半暝風撲鼻香馥馥
 訟牒臺符厭遮眼賞心樂事殊疏稀
 偶爾閒過矍相圃廣文館靜忘塵機
 梓紅主人最心契馮有梓紅亭
 舟旋無厭相依依踏閣攀林興不淺
 憑陵百尺窮纖微五峯綿延互鉤帶
 長松野竹連漁磯溪水韡紋蘸新柳
 梨花傅粉桃施緋指顧胸眸坐開豁
 如蠶出繭馬脫鞵俄晷留連日卓午
 歸來逸興猶遑飛懊惱春工裂風景
 昨朝物態今全非無事垂簾聽疏雨
 陌頭狼籍愁芳菲數盞幽蘭作清供
 思君閉戶摩編韋五經紛綸較同異
 門生藍輿應多違擬從漁父借龍具
 五湖長往毋庸歸

范忠貞公祠

當年閩海見傳烽犀兕空多棄甲重
 大節並推顏魯國孤

忠直繼段司農碑題峴首留殘劫世握兵符踵舊封萬古
南雷同廟食堂授命盡從容

曉坐還元閣望漁洋山

僧樓借牀眠宵殘聽粥鼓清盥據梧坐山翠飛入戶夙慕
漁洋名常如夢天姥夜來看不足朝窗笏更挂宛將螺子
黛鏡中畫眉娥法華雖附麗卑之奚足數憶昔王尙書好
事魯掠取至今竟屬公湖山號宗主譬諸冶城墩風流擅
千古自來稱王謝後先堪接武平山一瓣香敬爲先生許
典型猶在望蒼茫雲縷縷

余國樞字郇長號雲樵大冶人諸生官同知

集曲雲別業

遠市人聲絕幾家雙樹西看花同蜨過怯暑逐風棲景落

庭空靜心孤鴉自嘯晚樵林際出相喚浴晴溪

賽音布字九如號岸亭滿洲旗人官吏部筆帖式改步

軍校有宜園集遡源堂詩

贈別沈方舟

浮雲隨天風聚散不可常越鳥東南飛誰能忘故鄉命酒
結歡娛晤言心徬徨會合人自好離別人自老仰瞻雙飛
翼頡頏向晴昊

野店

暝色帶行旅一鐙方照門黑沈關塞路孤著別離魂溪月
射梁白山風吹樹喧客心與寒鳥忽忽欲飛翻

秋日過萬楓莊

愁能花處失病每酒邊強杖策遠甯惜扶兒醉不妨閒雲

歸有處野鳥下無方尙憶陶彭澤生涯盡一觴

重陽後一日獨酌

朋賞一時盡寒花不改芳老夫能復醉今日亦重陽滄海
風波闊青雲鬢髮蒼蕭然安退路三徑意何長

秋郊

犬吠茅茨見掩扉數家村落澹斜暉寒生絕塞征鴻急秋
入平原獵馬肥野火遠搖荒堡動水雲低傍禁城飛薊門
自古風霜早八月蕭蕭木葉稀

早秋有客過訪村居

湖天高卧動經年酌客高吟桂樹篇有地漫開徵士徑無
家聊種故侯田蒹葭玉笛秋雲遠埤垵金笳暮景懸碧草
錦湍明石路杖藜相送出墟煙

胡星阿字紫鋒滿洲旗人諸生官戶部筆帖式有春蕪
橐

小樓

銀河欲墜花影溼小樓夜半東風入繡簾捲斷金鳳凰玉
人獨抱涼蟾泣瑣窗往來雲氣旋雙成駕龍出紫煙粉蛾
空老屏風邊有石莫補離恨天

瞻雲街

瞻雲街左舊人家望斷春風去路賒一自倚簾吹柳絮至
今和雨夢梨花層軒綺月拋紅豆苦竹江煙怨綠華瑤草
玉沙仙洞晚小桃空落半溪霞

瑤窗屈曲倚崇阿金染斜陽碧染莎簾幙曉寒鳩雨細池
塘春靜燕泥多桂旌冉冉迷湘竹蓮步盈盈隔漢波爲問

畫樓西畔路花香月色近如何

樓上

樓上銀河凍不流後房圓帳鷓鴣裘紅欄碧樹寒相倚露
索煙鈴語未休楓峽曉雲神女去芝田殘月魏王游金蟾
睡穩桑枝暗花霧空成一夜愁

關舒字泰叔滿洲旗人官翰林院筆帖式有坦菴遺藁

詩話泰叔與弟觀寶惟善皆工詩
自相師友不求貴仕為時論所推

閒居

無才甘放棄身世已蹉跎築室山花滿應門水鳥多塞翁
殊不爾蕉鹿竟如何咄咄千年事行吟一曲歌

峻德字克明號慎齋滿洲旗人官戶部筆帖式

詩話慎齋諸生時即以文名詩才敏麗落筆成篇與
保雨村胡紫鋒卓誤菴輩相酬唱時稱為農曹七子

飛帛澗

我昔登此山山中覘泉脈有澗如疋練高挂倚天壁劈開
萬仞青直走一痕碧炎天雪霰飛晴日冰雹射今來值時
旱深山愆雨澤又聞龍用壯攫碎蒼巖石此澗爲壅塞滴
瀝只微液無復舊時觀苔存水流迹時有松鼠來就飲足
跼踏風吹墮松花鼠驚竄崖隙安得三日霖復見泉百尺
清夜對彈琴山月照虛白

立秋前一日有懷大鉢子

明日屆商序怒焉悽在懷微風動高葉殘雨墮空階往事
不堪問孤情孰與偕吾宗念之子高詠坐秋齋

懷佟咸亨使杭

一自輕帆挂早潮武林煙月夢迢迢不知紅藕花開日船

泊西湖第幾橋

望潼關

立馬風陵望漢關三峯高出白雲間西來一曲崑崙水劃
斷中條太華山

額爾登萼字思胥滿洲旗人官都察院筆帖式有廢村
詩藁

立秋日陶然亭卽事

郭門迢遞寺嵯峨落葉聲中載酒過地迴方知秋色早亭
幽倍覺好風多林梢斜日開青嶂檻外游人踏綠莎絕勝
西園耽雅集幾回鳥語雜笙歌

唐芳第字睿玉號綺園會稽人貢生議敘通判有江瓢

集

聯珠集言四卷六一
詩話綺園家貧性孝奉母至京師合肥李相國聞其名延爲子師供事實錄館議敘通判因母老不謁選因頓以終病中盡焚其著作逾月逝世惟江瓢集先已刊行得存其概

洞房曲

輓金屈戌開鴛鴦花符細字呼徐娘綠雲半墮蓮花妝鴉
鬟十五攜履箱琵琶百轉春漏長嬌歌欲遞遲龍香臨筵
催賜青雀觴海棠滴露低紅芳流蘇壓鉤金鏘鏘銅毬宛
轉添都梁帶人緩緩收鳴璫花枝故惱東風狂銀屏疊疊
遮瑣窗長夜遼遼天未央橫嬌妒寵誰能望春光不到翹
風房

三弟久客歷下詩以招之

裂帛書離字齊東寄旅人可憐池上草愁殺夢中春稚子
飢寒色慈闈老病身平原雖愛客莫更久風塵

趙念曾字根矩號漱陽德州人官澧州知州

華嚴庵

飯罷下高閣尋幽臨水扉石間亂流出樹裏一僧歸山鳥
怡人耳池花沾客衣那羅巖窟畔徒倚戀清暉

月夜獨步

涼夜泠泠露氣清疏簾竹簟月三更滿庭樹影無人語惟
有蟲聲草際鳴

王郊字欲野祥符人貢生由訓導歷官臨海知縣有臨
海集

詩話欲野少時隨宦贛南師易堂魏叔子令臨海十
五年多惠績嘗以讞疑獄與郡守爭以營兵占羨婦
田又與鎮將忤及臺灣用兵坐乏軍興罷歸李敏達
為疏請復官力請歸田不復出非惟循吏抑且介士

贈友人

庭梧暫寄一枝輕劇飲休歌戴笠行人事到頭同水月世
情滿眼只簪纓花開誰料能爲蜜絮落何堪又作萍緜嶺
吹笙音未遠好偕安叟話蓬瀛

朱永齡字眉子號待園單縣人官富陽知縣有待園遺

編

野望

鄉關祇在暮雲西草色連天望不迷去住何勞問著蔡綠
楊風裏杜鵑嘯

顏肇維字次雷晚號紅亭老人曲阜人貢生官臨海知

縣有鍾水堂集賦莎齋橐漫翁編年橐

詩話次雷所與游如嶧陽李克敬歷下王萃等皆
當時名士作令浙東不廢吟詠詩學南宋諸家

太行山

老松風折半千畫黃葉霜含秋史詩山過孟門成二妙不
禁勒馬看多時

海門雨中望海

海勢如湧碧天地旋不流冒雨登海門但見白氣浮遠望
天如圻蒼蒼別一州疑墮煙霧中卑雲腳下稠昨日郡城
出鳴榔半夜至誰識百川長三江匯於是設險備倭人百
里門庭地在昔嘉靖時番舶事初乖波臣蓄逆謀滄溟變
塵埃元戎出山左時推張韓才一戰浙水殷風吹畫角哀
地是蜃蛤居宰今顏氏子柵浦與桃渚生男多在水走利
最輕捷性命躡泔裏麥秀苗蘄蘄養生惟魚鹽南通閩與
粵粳米轉雲帆大牙舊相制分隸事誠難有兵可以守有
田可以屯其頑亦易化詩書漸相循其居亦易定官吏如

至親腹裏不容臬環海盡王臣後來官茲土尙三復茲言
君不見臨海之山高崦嶽扶桑之國鮫人室長風萬里來
炎天上赤日噫噓兮海上陰晴不可必

林樵字素園號梅村濟甯人官武邑知縣有偶存草

留別轉菴和上

菜根滋味久能甘竹徑參差倚杖看白雀飛來雖是夢

轉菴

未第之前曾夢白雀數百飛繞其身
後棄官爲僧卓錫白雀寺事亦奇異青山占盡不爲貪一

窗花影焚香坐半榻松風抱月談雲散春江孤棹遠愁思
還結侶雲庵

贈顧工掄代父從軍

匹馬彎弓出塞門黃沙海霧自朝昏風霜鍊就奇男子爲
報君恩報父恩

年少從軍古所稀
凱旋仍舊著萊衣
自曾博得忠兼孝
常夢愁雲塞外飛

劉紹攷字繼貢號九畹三原人諸生官南充知縣

詩話九畹篤學工古文王信芳侍郎督學關中深賞之以諸生薦授縣令初宰什邛復移南充辭歸講學授弟子撰關中人文傳述國朝諸先正學術行誼頗備

旅夜

玉露涼風急蕭然動客情
迴廊留夜月落葉颯寒更
夢短鄉心遠庭空活火明
那堪歌九辯萬里一孤檠

灌縣

大江真作帶半壁倚青山
山勢聯千嶂江聲徹百蠻
鳥鳴紅樹裏人在碧雲間
履險今方始前行玉疊關

昭化早發

牛頭山下傍山城月照西窗促曉征雲水全迷歸客路綠
楊陰裏一舟橫

夏熙臣字無易孝感人貢生官施州衛教授有瓠尊山
人詩集募巖詩略

施州衛寄所親

環衛皆君長東南盡笮邛流官乘小駟蠻婦織花賓刀劍
生睚眦衣冠列附庸不煩司馬檄尺土亦王封

高處厚先生信宿山中賦此卻寄

收拾看山眼尋幽到敝廬以君一日長贈我十年書天外
孤雲合雨中夜氣疏村醪剛半熟不醉復何如

趙思植字培元山西太平人官襄恆教諭有四勿堂集

讀宋史

驢背投閒學隱蘄王甯不憶君恩忠臣業已成冤獄大
將從今合杜門舉目烽煙空悵望一腔悲憤向誰論歸來
浪跡西湖上聊對溪山縱酒樽

幽居詠懷

幾年身住水雲灣贏得浮生日日閒隔斷俗塵青嶂外飛
來清景碧霄間虛窗時啟邀明月高閣頻登看遠山除卻
詩朋及酒侶他人莫漫叩雙環

王世芳字徽德又字芝圃號南亭臨海人貢生官遂昌

訓導累賜國子監司業銜

詩話芝圃乾隆辛巳入都祝嘏實年九十有八予六
品服還遂昌任陳太僕兆崙有詩送之見紫竹山房
集越十年辛卯復入都奉恩旨賜詩加銜司業春官
領朝慈寧賜賚甚夥太僕又次紀恩四詩韻送別謂
耿逆將曾養性之犯温台君曾隨父殺賊少與齊次
風少宗伯之祖相善素精醫藥能活人繼配年亦九

晚晴詩話卷之二
十餘朱司業春圃集句贈云天子非常賜顏色先生有道出羲皇爲時所誦今錄其二詩以備掌故

南齋紀恩詩

建子星回斗轉寅居然一百十年春
灌花拭竹閒中課問水尋山物外身
擊壤但知歌帝力炷香惟有感蒼旻
桑榆筋骨還疆健歷數前因話劫塵

扶杖康衢識聖顏錦衣有賜詔頻頒
喜同野老迎鑾輅優許微臣列鷺班
身歷四朝沾浩浩眼看六代舞斑斕
赤城便擬蓬萊苑布鞵棕鞵任往還

徐基字宗頊又字十峯號後坡江南華亭人貢生官蕭縣訓導有景蘇閣集句

雨後

雨洗東坡月色清溪邊委轡聽溪聲
仙心欲捉左元放大

草閒臨張伯英山下白雲橫匹素樹頭初日挂銅鉦人間
歧路知多少欲放扁舟取次行

劉翼明字子羽號鏡菴諸城人貢生官利津訓導有鏡

菴詩選

詩話子羽少以經世才自許喜交游讀書任俠久不
遇寢致貧老乃專其力於詩王漁洋謂子羽居瑯琊
臺下老而工詩嘗愛其句云桃花
流水春開甕細雨斜風客到門

寄戴賓廷

攜手上營邱春水映春草別來復如何不信蒹葭老明月
生新潮白石嚙古道古道自漫漫秋水復浩浩

過重蘿山留別主人丁平之

桃源有路問羲皇題徧伊人薜荔牆宏景原非松不夢輞
川本以畫爲莊秋光到樹紅千葉水氣浮山綠一行有客

何來逢細雨重陽連日作高陽

自渠邱同馬三如宿王申甫峒峪別業

南山深處問南村飢渴殘陽地主尊衣有神珠仍乞子路
迷芳草見王孫桃花流水春開甕細雨斜風客到門偏具
隱心無隱迹只將種果種仙根

琅邪絕頂懷渭清

地勢東南盡交情老大親山如華不注人念李于鱗滄海
懷君賦浮雲笑我真獨餘千古意空遠莫能陳

九日霞標山中得遇丁孟白共飲

風雨平生若可期每臨空谷益多悲三秋足念惟吾輩四
海何人見此時醉貌疑添楓葉色論心況對菊花枝愴然
設酌來句漏又起天邊萬里思

楊名鱸字季顯潼關人官清水訓導有今雨堂集

月夜聞雁示子安

還向瀟湘覓舊羣
月明清唳數聲聞
無棲莫比南飛鵲
衝破關山萬里雲

朱緯字義俶號夢村歷城人諸生官邱縣訓導有夢村集

山齋

美睡朝慵起荆扉
午未開雲閒不飛
去鳥倦卻歸來櫻
熟從人摘松疏擬
自栽簾垂清晝永
階上徧生苔

秋懷

高城畫角響西風
黃葉疏林已半空
午夜閒愁鐙影裏
滿懷涼思雨聲中
移山未可嗤愚父
失馬還應比塞翁
落拓

故人多似我相期九日一樽同

沈甯遠字寓巖海鹽人貢生官宣平訓導有寓巖詩藁

詠古

因必審可親古訓日星揭傾蓋乍交驩慎初簡賢哲出處
長依倚何容漫結納才士務進取浮躁鮮甄別見有門如
市羣趨相踈熱一旦冰山頽身敗名亦裂中郎入郿塢豈
計玉玷媒儀曹客王家用世心猛烈託附得長松弱植亦
高潔桃李非不妍攀援易摧折二人何昧昧曾勿問志節
辭藻豔芳葩趨操消春雪縱得柄用久名位已忝竊初謂
灼天焰餘光照不滅詎意一燭火竟鑠錚錚鐵輕肥彈指
頃不如恆冰蘖文采弗庇身垢膩終難刷令人長恨歎唾
壺幾擊缺爲語多才人握瑜勿自褻

逸翮翔寥廓潛鱗藏深淵水暝高風利飛躍各遷延釣弋
亂海宇棲遯甘靜便趙氏南徙後邪佞勢遞專降幡一日
出野多守義賢長溪謝諮議晞髮投林泉語水衛居士行
潔比白蓮豈無開濟念分定不容權冰雪嚴寒後景象非
猶前凡卉趨新豔松筠獨超然移垤知君尊分衙識王先
況負氣丈夫屋社忘其天不見陶栗里只紀甲子年寄情
酒盞底酣暢壯心鑄曠世而相感事異節同全息影疑肥
遯孤懷誰與宣陸沈古不乏箕山潁水邊大器挈以授棄
之如腥羶遭際昌明會經綸不與焉富渚垂釣叟千載可
比肩欲概忠貞士風格尙相懸太息終南高何爲捷徑緣
云云爭藉口且覓買山錢

有勞情易伐無競量始寬儒臣不多覲况乃尙桓桓卓哉

馮公孫奮翼漢鼎安屏坐大樹下宏功置若刊武惠下江
南摧亡同轉丸囊中書數卷終不計好官金酋南牧馬力
戰錦袍丹角巾歸私第爭說勤王韓歷觀古將帥身名無
兩完欒彭致菹醢王杜開覺端矜情兼驕色顛蹶空長歎
三君明且哲茂績等閒看不欲多上人冲襟良獨難寵祿
日以遠悔吝無能干後事追莫及先幾在急湍嗟彼冒昧
子名利滿胸蟠濡滯勿忍決蠡蠹卽我鑽超絕五湖叟一
懼老煙灘

紛華伐我性甯淡味無窮寓言游方外明哲保其躬子房
心爲韓願不及侯封臧項莫劉祚長辭隨赤松梅尉嘗市
隱遠蹈碧海中終身不復見補陀留遺蹤五季希夷叟卧
穩華山峯騎驢閒笑語奕代挹清風皆有託而逃求仙非

初衷攝生甘幽寂草堂有盧鴻
遯世跡不謬趣向將無同
羣倫如鴟鳶腐鼠愛到隴
聞有高世志便疑脫塵叢
思彼亦人耳詎能老還童
獨懷冰雪意不受氛垢蒙
超然浮雲外何異翔太空
恆情好神怪附會類齊東
長生有妙理只看狎鷗翁
亂離善養晦經濟不居功
一朝去火宅隨在是天宮
熊經鳥伸輩何日得方瞳

左世瑞蒙化人世襲土知府

春日宿三聖庵

古寺隱深林輕煙帶遠岑
花枝含酒態柳葉繫春心
車馬紛然集塵埃宵不侵
榆關明早陟清磬送餘音

晚晴詩匯卷六十二終

晚晴籀詩匯卷六十三目錄

葉舒璐 八首

謝芳連 五首

馮景 五首

鄭性 一首

梅文鼎 一首

彭績 十二首

尤怡 七首

楊晉 一首

馬元馭 一首

吳啟元 三首

吳瞻泰 五首

王錫 十首

畢海珖 三首

邵陵 三首

蘇春 二首

李滌 一首

林徵韓 十二首

李專 一首

胡學汪 五首

田實發 三首

鄭挺 二首

王安修 十一首

錢佳 二首

丁廷煊 二首

高方 二首

查曦 二首

郭元鈞 三首

馬振垣 四首

朱令昭 二首

王敏 二首

言然 二首

趙以文 三首

江浩然 一首

施璫 二首

周泗 一首

張元昇 十首

金義植 五首

晚晴移詩匯卷六十三

徐世昌

葉舒璠字景鴻一字鏡泓吳江人貢生有分干詩鈔

詩話歸愚稱其詩規模宏闊議論卓越發源於韓嬉
笑怒罵無入不得發源於蘇而其規向最高幾欲田
韓蘇以上窺少陵堂廡推挹太過轉失其真又其室
吳雯華字雲素亦能詩沈選別裁錄其秋日村居七
律一首

論古

陰符誦熟揣摩成十上終邀六印榮縱使有田皆負郭可
能結舌事躬耕

挑得琴心正倦游墟邊尙典鷓鴣裘長門解爲他人賦卻
惹閨中怨白頭

鼎足中原勢未分英雄魄力自超羣阿瞞眼底空餘子只

重孫郎與使君

登徑

登徑編籬窄似蝸閒中風物澹生涯新蔬乍翦頭番韭小
雨如催二月花出谷禽方嬌喚友穿簾燕亦巧營家敬容
殘客吾羞對只許門停好事車

讀杜白二集

子美千門厦香山萬里裘迴殊魏晉士熟醉但身謀

頽齡

頽齡猶駐荷天慈領略風光趁此時縮水釀如鵝破殼添
棉柳似繭抽絲騰騰但博逢場健憤憤何妨見事遲調伏
粗教塵累減只牽口業未拋詩

觀棋示友

花落銀缸下子遲莫將謬算費沈思風摧一角西南急可
是推枰斂手時

滿盤黑白爛縱橫全局端資一著撐指點不教留劫在樵
夫冷眼看分明

謝芳連字皆人別號香祖山人宜興人有畫溪西堂橐

詩話皆人詩境幽澹飯依漁洋漁洋亦稱之有和其
寄懷五言詩云秋眠池上亭竹暗通人語空吟小謝
詩荆溪渺何處流目送飛鴻歷歷江南去
歸愚謂其工短篇品地在色香臭味之外

宿山園

小雨松逕寒人歸夜深火宿鳥棲未安驚飛落山果

西溪道中寄友

日夕浮清溪時時望林屋孤舟移白蘩細雨聞雞鶩波涵
遠山滅樹隱寒煙復倚楫想幽人城虛悵獨宿

晚晴雜詩附卷六十三
溪村早起卽事同邵八丈子湘作

早起杏花白飯牛人出門野田多傍水深柳自爲村比屋
盡耕稼服疇皆弟昆爨煙猶未散林鳥亂朝暾

孟夏山莊晚坐

孟夏變物候景仄風光稀石林湛雨氣山月連陽暉鳥語
徧幽澗人聲隔翠微彈琴遲漁者衣上落英飛

溪村欲雪忽憶朱竹垞太史小長蘆捕魚幽興遙寄
水冷小長蘆漁舟自容與舳際下鷓鴣銜魚向何許煙暝
雪將來如聞隔蘆語

馮景字山公一字少渠錢塘人監生有解春集

詩話山公於學無所不
窺工古文尤長於說經

簡慰天濤

先生仰面歎華屋手抱遺經常獨宿盡日集庭聞鳥呼中
宵掀窗來鹿觸我常蹋月望西園寒星寂寞垂短垣徑約
汪君信闊步青田壺瀉三崑崙名鵬清言若遇王平子絕倒
當年定如此稽古豈無春卿榮隨學尙有公超市先生不
樂句羞素餐先生毋躁句且少安晝居于內侍湯藥不然
詎肯輕儒冠病鶴支離堪對語翩翩平原在何許

辭青門學士別業卜居木場巷

郇成分宅兩年留弱喪懷居也自羞鵬鳥暫爲六月息鷓
鷃祇愛一枝幽甌牆加堊新淘井矮屋修梯麤葺樓從此
便堪容膝老掘金燒杵復何求

苦雨贈方爻甫

精醫喜
談禪

苦雨連宵困積陰練川高士共開襟相攜水閣閒垂釣獨

坐藤牀靜鼓琴投劑定知醫國手談禪全得法王心蠶荒
麥爛秧難插何藥能消四野稂

春日同吳中山嵩沈雷臣中震數飲趙公子閒閒軒

時新築成雜詠

又灑簾靈溼翠微合樽促坐酌空幃
韭青松鴨波稜美筍
白花豬蕈耳肥點水蜻蜓才一至出檐蝙蝠尚孤飛
梨花
寒食淒涼夜時公子喪偶共醉華胥未忍歸

入樊中登後樂山望千竿園

瓦綠魚鱗竹屋低虹梁高互絕攀躋倒垂柏葉張青蓋亂
點薇花簇紫霓仙迹當年松化石南宋物祥徵昨夜鹿生麕
蓬壺咫尺仙凡隔風動琅玕望欲迷

鄭性字義門號南谿慈谿人貢生有南谿偶刊

題枕

南雷未歿嘗語我人生須得三百年百年讀畢今昔書百
年看徧名山川百年手提尺寸柄經綸揭地還掀天此語
創聞真快絕非阿所好理當然我壽幾何未可卜縱符此
數失在前三十六年忽已逝不逝安得逢良緣無論萬卷
不能破一經尙未鑽其堅無論五岳道阻長四明密邇猶
迤邐修齊自反方媿作國興天下何遑焉曩者親宮祖垂
耄我慙菽水悲臺泉邇年親歸旋卧病朝朝藥裹心倒懸
何況年決無三百滿百之人便稱仙此生休矣尙何爲自
歎空復時牽纏忽然想因此語幻第邀上帝鑒且憐枕成
賚我一快夢南雷之語非徒然

梅文鼐字爾素號慎庵宣城人諸生

金牌坑地中得古窰器

峯聳金牌山鬱鬱生雲氣巨木盤幽崖村落聊位置將欲
就山麓稍闢爲平地開基深尋丈忽得古藏器盆盃及瓶
缶尊罍式各異玉質陶兼土樸拙非近製沈埋歷歲時完
好色逾粹不知千年前此物誰所壅古云桑田更其說亦
良是高下理相傾數極且自至何爲復區區蝸角爭名利
辛苦銜西山填海學精衛

彭績字其凝號秋士長洲人有秋士先生遺橐

詩話秋士耿介絕俗其詩寄情孤冷取徑鐫刻汪大
紳謂皆書世間事卻不著世間人一點意思所以意
思深長東野浪仙之流也四言罕得
合作秋士詩惜醇茂特錄以存一格

桃花源詩

秦帝控長駕略地到天邊侈心日以廣惟壽非力延樓船

載徐市海島尋神仙神仙何茫茫使者亦不旋豈知寰區
內乃有桃花源桃源獨無依自在如雲煙花開始皇時水
流太元間者稚皆歡喜世世還復然何人此問津作記世
共傳

戲簡族子葆元

觀君如有得意色尙孩童身隱南園內家貧五字中新年
從幼識舊姓此生同何不時來過門前道路通

虎邱暮歸

林壑忽焉暝歸心鳥共飛日將萬景落雲載一峯歸入市
亂鐙照前村驅犢稀行行蓬屋近草露晃秋衣

幽興貽任文田

清鐘動幽興日暮薜衣寒寂寂入松路遙遙分翠巒白雲

茅屋潤黃葉野秋乾想見高人坐孤琴時一彈

停雲四章贈允初

靄靄停雲悠悠我思襲我春服好風時吹我征書至乃入
園扉鳥鳴嘉木魚躍清池其物欣欣其人在斯

我息其廬話言詩書寒葵載刈旨酒盈壺以觴以詠其樂
于于淒淒風雨笥衣授余乃空汝牀日安我居

飄風及雨詰旦乃已我晨斯興於閣閒止閱彼南畝實活
我土和澤之降河水瀾瀾息彼黃牛我心之喜

庭列松篁日翳軒窗有鳥于飛好音旁皇薄言旋反尋樂
未央嘉子棲遲好學無荒問我瑤華心焉弗忘

曉霽

清風散淅雲初日照高樹殘花石上委微溜田間注人語

雜禽言一帆開野渡

登靈巖

秋殿閉空香天風吹高嶺身立松景寒目蕩湖光冷

夢游山澤間得照水景不乾句既寤爲賦是詩

絕境所未到魂夢來盤桓當風形易脆照水景不乾草芽
出春氣松蔭生暮寒言詠坐盤石泠泠古琴彈方欣隔囂
滓寐覺爲感歎誓將山澤處州府不來還

步月

碎碎北飛雪欲盡完完東上月無羣獨來清野遙然步萬
景千聲一見聞

尤怡字在涇一字拙吾長洲人有北田吟藁

顧俠君曰吾鄉詩學屢變向來後生厭常喜新往往
尊宋而祧唐流入江西一派務爲生澀險僻其弊也

如村夫掉文俗不可耐余倡間邱詩社大聲疾呼專
以少陵為宗而博采昌黎香山東坡諸大家以窮其
變自是俗學漸移近見一二有志之士高自位置景
仰盛唐諸公而學者多束書不觀惟描頭畫角襲其
詞調而失其神采其弊也王孟韋柳不過如玉溪生
供人搏捲而已詩尚可問哉在涇克自洗濯業精而
工專詞簡而意遠一切俗學不能汨其性靈詩家之
上乘也 沈歸愚曰在京就韓伯休術欲晦姓名詩
亦不求人知而重其詩者謂
得唐賢三昧遠近無異詞云
詩話歸愚序北田詩與甫里周欽萊並稱擬之皮陸
北田稟後附刻甯國洪均嘒夫東岸吟稟一卷有迂
邨周準序蓋久客吳中同在北郭吟社者詩格略相
近其對酒云漫將湖上柳認作故園春謁韋刺史祠
云孤懷清似水五字澹如秋過澗上先生草堂云天
地無情空放眼市朝雖好不為家謂徐枋昭法也

山居雜興

晨起草木溼林霏散清曙始知東峯雲夜作澗上雨光風
葉上汎新泉草下注羣鳥林際鳴游魚水面聚萬物各有
分勞生轉多慕倖中成虛名多為來者誤君看區中緣擾

擾曷有數

秋雁篇

金河八月清霜度鴻雁嗷嗷引征路初從塞北辭黃雲旋
向江南認紅樹紅樹黃雲萬里程秋風歲歲事南征風起
沙頭見清影月明天畔聞孤聲此去汀洲宿何所蒼梧雲
深夜來雨休言田野多稻梁須識江湖有網罟珠簾翠幕
誰家樓美人初捲珊瑚鉤一片乍橫江上影數聲猶帶塞
門秋忽憶征人磧中見書成不寄情空亂知君遙心愁共
飛思君遠目迷方斷目斷心飛人不歸年年空自寄相思
儻念空閨人獨夜夢回無語雁來時

寶劍

寶劍芙蓉鏜韜光匣裏橫星辰秋忽動風雨夜還驚邊郡

今多事故人方遠征徘徊欲相贈不獨爲平生

潤州城頭晚眺

高城一面擁橫流客思遙將晚色愁千嶂雲霞方落日大江濤浪欲驚秋豈無鐵鑊防飛渡亦有牙旗鎮上游六代紛紛竟何有斷帆漁火在瓜洲

秋晚登樓

澹雲含雨過城頭獨自凭闌豁遠眸萬木秋聲來大壑亂山寒色上危樓登臨不爲依人感搖落應添攬鏡愁聞道菊花堪泛酒共誰來此一消憂

江上聞笛

滄江秋霽暮煙消玉笛頻催客思遙回首姑蘇愁不見海門明月上寒潮

記得

麴塵微漾薄寒天
脈脈情懷似去年
記得蘭橈送君去
東風新柳板橋邊

楊晉字子鶴號西亭常熟人

詩話西亭爲石谷高弟畫入能品石谷每有鉅製點綴人物器具多出其手詩不多作亦有韻致

題元人張天頑墨牡丹

筆底分明一畫禪
洛陽花色動雲煙
古人不與春同去
流落人間二百年

馬元馭字扶曦號天虞山人常熟人

詩話扶曦畫法南田逸筆寫生爲世所稱兼工詩有詠梅句云無風有月尋常事難得人間對此花意境俗脫

自題桃花鸚鵡

碧雨千絲灞岸低，赤欄橋畔畫樓西。
飛來枝上雙鸚鵡，不到濃陰不肯嘑。

吳啟元字青霞績溪人有秀濯堂詩

甲戌廣陽花朝

我亦江南客，逢春倍惜春。
此時楊柳樹，一望正愁人。
社鼓家家酒，桃花處處津。
東風待歸騎，決計莫逡巡。

同人九日登慈仁寺樓用博問亭將軍韻

涼風吹綠草，如我鬢星星。
一片寒山色，秋來不耐青。
夕陽明遠水，落葉下疏櫺。
又負茱萸約，誰登木末亭。

春雲得歌字應紅蘭主人教

輕暝輕寒翦綠莎，春雲斜壓畫闌多。
杏花雨外霏微起，楊柳風前澹蕩過。
御苑晴生芳徑溼，宮牆低度午陰和。
玉樓

正在鶯聲裏間裊紅窗一曲歌

吳瞻泰字東巖歙縣人諸生

詩話東巖詩無專集卽附其叔綺園白華四明等集之後又嘗隨綺園游黃山有黃山唱和詩沈歸愚云東巖爲大司成鱗潭先生長子留心經術思爲世用入省闈十五終不遇乃遨游齊魯燕冀江漢吳楚閩越所至覽其山川名勝詩品日高著有

五月二日自大浹江出海

彙注陶詩陶詩提要刪補選注等書

威遠城邊出蒼茫烽火臺魚真挾浪起人自御風來萬里孤帆遠三山一夕開平生懷壯志擊楫興悠哉

普陀寺贈潮音上人

蓮花洋外矗香臺片片青蓮渡一杯日射琳宮光似鏡濤
驚花雨吼如雷鮫人負蚌投荒去龍女含珠聽梵來徐市
求仙終縹緲詎知三島法雲開

雨中過鎮海寺訪別庵上人

林樾散清陰積翠霑涼露濛濛光曦峯下有化人住紺宇
新崢嶸鴿王長布獲錫飛自夔州海角傳杯渡聽法馴魚
龍忘機狎鷗鷺昨夜雨霏微瀑灑寒泉樹濡足就支公示
我滄洲路回徑溜雨橋瘦杖孤雲去

梵音洞

磅礴驚浪鼓杳冥散煙霧下有龍伯驅上有珠簾布神椎
傑石裂脈脈不得渡初睇根虛無黯默漸有遇衣袖妙莊
巖金人宛鎔鑄移時法相微翛然自來去平生耳齊諧景
純山海注幻影驚盲聾謫誕理亦具長嘯凌層霄海鶴高
騫翥

寶山行

冬青鬱鬱空山裏種樹何年星在尾餘哀散作冬青引弓
劍橋山飛不起月黑林昏鬼搏人捧香天騎寒食死玉魚
金椀出入間蘭亭玉匣亦如此獨憐竺國經可哀六帝園
陵一日毀嗚呼國家養士百年中剩得遺民號蒼穹杜鵑
聲碎巖花落片雲飛出越江東銀牌竹夾歸何許白石編
同晞髮翁欲令殺青徧宇宙長與茲山高從巖前年重梓白石樵詩
王錫字百朋仁和人諸生有嘯竹堂集

沈歸愚曰古今體詩俱有家數入西泠諸子中亦爲上駟而名不出里巷余往來浙西人無道及姓字者知名家而湮沒者正有其人也

詩話百朋詩格純正雅近唐人康熙癸未翠華南幸百朋獻詩行宮深蒙嘉賞毛大可朱竹垞爲之訂彙其集句詩竹垞謂天造地設自然渾成

夏夜徑山退上人蘭若納涼

一入清涼境不知有炎熱山深雲氣濃松茂月痕缺煩滌
陰澗風寒生幽崖雪坐久身心閒禪鐙半明滅既遠紅塵
網復遇青蓮舌相與談空空性真亦了徹

夜宿石人塢鍾氏霽峯書屋

入塢雲峯暝舉步迷原陸夕露零蔓草灑灑沾衣服寒鐙
木杪青有人居空谷崎嶇遠叩門一犬吠茅屋山家見客
投欣然便留宿婦子起爲炊須臾黃梁熟就枕及夜分虛
齋秋氣肅落葉兼流泉聲徹幽獨乍疑風雨至清音振
林麓颯颯颯高松鳥雀噪深竹孤懷悄以悲酣寢遜童僕
冬曉登韜光禪院後山望晴雪

天地氣嚴凝出郭游人少踏雪登山巔凌虛縱遠眺萬戶
炊煙遲奇景湛清曉竹折枝蒙密松危勢天矯足底多寒

雲眼前絕飛鳥風驚碧落間日出扶桑表千重越岫明一
帶錢江小百里紛皚皚衆象爭皦皦積素射晴霞異光互
迴繞目眩下高峯冥濛林壑杳舉首望精藍樓臺俱縹緲
過朱氏山莊

纔過合澗橋便到雲林寺泉石奇以秀疑非人間地不知
萬木中亭榭更幽邃溪聲隔竹喧松色當樓翠鶴識嶺雲
歸僧乘蘿月至巖阿許久留淡然忘名利

送友之河東

河東君有役把酒動遐思日月重華地煙霞孤竹祠一鞭
心共遠千里夢應遲去去言難盡休忘握手時

秋仲淨慈寺夜游

白雲閒踏盡一徑到竹林草木逢秋澹山巒入夜深松風

晚晴雜詩圖卷六十三
二七
聞梵語池月見禪心幽絕南屏勝高僧許共尋

丁卯中秋

去歲中秋節鐙前病劇身黃昏正風雨白首獨酸辛此日
全微命高堂失老親不如垂死處尙見倚閨人

冷泉亭

小憩空亭戀翠微上方日暮客過稀春秋閱盡水長冷風
雨到來山欲飛嶺半樹高猿每掛林間雲暝鶴知歸炎天
坐久寒生骨思向僧家借衲衣

詠雪

朔雪舞迴風華凝香閣晚繡幕尙生寒人在龍沙遠

過李白廟

誰道謫仙狂豪情託舉觴目無高力士心識郭汾陽

畢海珖字崑朗號澗堂淄川人諸生有澗堂詩草

詩話澗堂爲畢公權解元世持子與王孝廉洪謀並秋谷弟子詩多經秋谷評定

穆陵關

貰酒旗亭愴旅顏蕭蕭人過穆陵關沙明不辨東西路雨
霽纔分遠近山紅葉有聲秋漸老白雲無恙客應還常將
幾點離人淚灑向西風落照間

清明山游

路折村橋一徑賒綠楊輕颺酒帘斜暝風細雨催寒食開
徧青山郁李花

嚴州

天涯游子去恩恩一夜輕舟趁曉風江入桐廬山四束橘
花深處雨濛濛

邵陵字湘南一字孩叟常熟人有青門詩集

詩話康熙間有兩邵青門一邵子湘毗陵人一卽湘南皆負時名江安傅氏得寫本集十二卷有雍正癸丑天中山人序稱其長身修髯目閃閃狀貌如羽人劍客操不律東西游走恆挈家相隨所得輒緣手散去不復訾省晚年浮湛里中性益嗜酒卒至貧老以死蓋亦振奇之士與汪東山繹友善時相倡和歸愚別裁謂青門詩以流易爲工不出眼前景口頭語自能奕奕動人然一時宗其說者每流入打油釘鉸一派去風雅遠矣今慎擇一二以存其人

竹里復過山齋疊韻

槿籬敲側豆棚斜認得空山獨樹家
半畝溼雲分竹色一庭深綠養苔花
就涼几席新丸藥過雨軒窗午焙茶
準擬與君同結隱三間老屋把茅遮

江天寺

半空蜃氣結樓臺漚裏須彌亦壯哉
很石未能超海去怒

濤直欲上山來雲堂暮鼓齋時動煙渚秋帆雨後開試向
江天亭外望似萍身世實堪哀

破山茶話

山光潭影冷清暉坐久新涼欲襲衣忽漫推窗滿庭月六
朝松老樹陰稀

蘇春字倫五上饒人有饑鳳集

毛大可曰余在史館得吾友王浴日謂其門下得士
彼時即耳熟蘇倫五之名迨乞歸始與倫五會於西
湖之上倫五雖出南施北宋之後曾游王新城之門
與孔東塘之往返鍵戶潛修故世未獲覩威鳳之一
羽文豹之一斑也

銅臺鋪晚眺

孤城郭外眺煙波日落雲寒朔氣多四海萍踪人易老萬
山雪色雁初過穆陵壯氣連邊塞漳水分流納衛河更值

天涯將歲暮平生心事獨悲歌

海子清明

淑景遙看御苑賒春犁初動路紋斜低飛塞雁連絲雨繁
蕊山桃發瘦花草際酒痕晴上塚帽簷柳葉晚歸家凋零
親串松楸夢間倚東風鬢亦華

李滌字紹溟厯城人諸生

詩話紹溟為滄溟六世孫滄溟沒後姬人即苦飢寒
後嗣式微可見乃數傳而後猶有耳孫能詩者愚山
嘗為置奉祀生與紹溟輩行
高下族屬親疏皆不可攷

秋夜白雪樓有感

明月松間出危樓獨自看泉聲當暮急山色入秋寒白雪
先聲在青箱世業難葛衣寥落甚沾臆淚闌干

林徵韓字退思別號禪伏山人昌黎人有忘餘草

詩話退思其先爲閩人避亂幕游足跡幾徧天下愛
畿東山水卜居昌黎禪伏山終老焉詩亦灑脫自喜
不拘常格
肖其爲人

挑野菜歌

日穿花影碎村犬花外吠一起南村來婦女裝成隊小兒
懷在懷大兒背在背右手持彎弓左手張闊袋下我村北
田挑我田中菜菜花香可憐菜葉青可愛但苦根不肥天
旱失灌溉饑多難普療人多不一輩得挑時且挑盡我此
田內三五村東頭誰家鄰姊妹相邀鬪草來各擷幽芳在
金釵落翠鬟坐地成賭賽嫣然一笑間春風生萬態那知
挑菜人當年亦粉黛

換馬行

馬蹶落地滾塵埃道是天使天上來未許郵符先及見直

呼喚馬聲連催馬到當換故不換下馬索取常例看但須
一貫就腰纏無語飽飫郵亭飯飯罷會不少遷延上馬還
須惜馬錢走馬城邊立馬上手折楊柳當馬鞭前跼前去
不須臾後到一起是行廚朝廷供給有正項額外別尋達
刺蘇醉後向人口饒饒是人遇之遭鞭敲稍有不如需索
意拚死騎將驛馬跑天使後來無一語只是顏色多驕倨
公然下馬坐縣堂換馬從容上馬去

草涼驛

客路當春晚林昏鳥競譁野田初著雨山鳴半桃花種植
無多地生存只數家不知今夜酒端欲向誰賒

益門

八百連雲棧經過始益門水乾溪有路煙冷樹無村怪石

頻驚馬空山獨唳猿可堪林莽下清晝也黃昏

扁道

百尺清溪上陰崖石磴懸水聲人語亂山骨馬蹏穿世路
偏多險風塵獨有年那能無間阻書劍自飄然

黔西道中

暗雨黔西路凌晨結伴行馬蹏循虎跡人語雜猿聲舊里
餘荒井空山冷廢城不毛嗟此地禁得幾麇兵

大湓灘

大湓灘上下灘舟爲試風波入亂流千嶂日昏三楚雨一
潭雲冷九溪秋當年去國家曾破別路依人志未酬何事
丈夫長慷慨身輕萬里當閒游

輓孫豹人先生

已視榮名作等閒，辟書何事下松關。
葛巾野服朝天去，明月清風引杖還。
冠蓋豈能羈白髮，墓門猶喜對青山。
憑誰題碣留私諡，好置先生夷惠間。

盱川夜泛

兩行疏柳夾河橋，且就輕波試短橈。
船小不容多載酒，月明何處一吹簫。
沙鷗水次依眠穩，野鶴天空入夢遙。
終夜自醒還自醉，那關愁長與愁消。

除夜

萬里從教滯此身，廿年爲客慣風塵。
甯須濁酒澆殘夜，且與寒花作比鄰。
歸去夢魂知路遠，老來兒女覺情真。
家家守歲明鐙坐，我亦他鄉度歲人。

雜詠

不用尋詩過嶺西日來幽事頗堪題松間拾菌雲遮路雨
後罾魚水滿溪偶乞瓶花從野衲時需斗酒問山妻行將
策杖看禾去只恐磽田綠未齊

釣魚

雖是釣魚人不入漁人夥時與牧牛兒溪頭爭石坐

李專字知山遵義人拔貢有白雲詩集

詩話知山狷介好出游徧歷滇黔楚蜀吳越燕趙遠
至甘涼鄂文端集中有送知山歸蜀詩相逢鎮自笑
鹽虀夔府孤城老更宜應似少陵長在蜀居然子固
更能詩文追屈宋知何用道出義皇舊已癡別後巴
州須記取昆明涼夜泥君時知山與修四川通
志蓋流寓成都稍久自蜀游滇文端送之歸也

都門訪樊崑來侍讀

芳杜洲邊叫子規滿城宮柳綠參差曾爲王粲登樓處尙
憶中郎倒屣時几水重逢成久別羅浮竊聽有新詩魚書

一向無由寄最喜今朝近鳳池

胡學汪初名學望字小牙五開衛人貢生有求志軒集

詩話五開衛初隸湖廣雍正間改屬貴州裁衛設開泰縣小牙詩格老蒼黎伯庸兆勳官開泰校官輯黎

平四家詩以小牙爲第一

思州行爲鎮遠袁功懋賦

寒山翼徑來環徑繞清泚越岡若異態共是此溪水野桃
繚亂開翠篠密於芑苔錮荒碑斷蘆封古橋圯坳垣三四
見蕭蕭一城峙兩水合汀際孤舟向沙艤度津入古垣曲
巷僅容履喧寂雖各殊臺笠盡入市縱懷乞米書施之得
穠秕坡公煮肉法於此無可使煩襟鬱愁滋恍然望溪水
明月牛渚情適有袁夫子

再飲泉遇雨

卻暑遂忘倦浩然臨水湄花香添舊路微雨濯新詩雲至
既如晤我來甯有期閒人向余笑兩度飲寒漪

避暑小飲怡園

強酒都緣好釣詩怡園分韻晚涼時傍林幽鳥如知倦藉
草鳴蛙擬爲私未約雲來池半畝不因風動竹千枝翠微
平遠無忙步明月多情最踐期

重過平越高真觀

溪流常白繞荒陴灌木危樓是昔時爲客不堪仙事警此
身難向劫前知苔封碣石先朝色風遞泉香出世姿要得
彌明同煮鼎蒼蠅聲裏漫敲詩

貴筑旅春卽事

年年寒食疊征衫短髮違心頗耐芟枕上鄉思碎鳴柝夢

中歸路越巉巖敝裘笑我酬疏酒粗糲旁人勸老饒欲達
平安未成句破窗風雨護鐙函

田實發字梅嶼合肥人諸生有玉禾山人詩集

詩話梅嶼早歲見賞於陳滄洲 聖祖南巡迎鑾
獻詩蒙駐輦詳詢鄉里而留其冊卒以諸生老

管仲

檻車不數尺迺容天下才時無鮑叔牙霸術終焉埋射鉤
棄舊怨度量何遠哉人生貴知遇安用悲蒿萊

虞卿

抵掌易高位簷屨匪所恥故友中夜來趙相若敝屣著書
常閉門窮愁乃可喜曰卿何如人惜哉魏公子

春日彭城道中

落日巖城咽大河美人何處帳中歌書生不管興亡事只

愛春山青較多

鄭挺字不羣秀水人有秦濤居士詩集

有感

莫遣黑雲遮白日誰教濁水亂清泉鼎能自愛方無價壁
有微瑕不值錢

夜過釣臺

新主已忘天子貴先生猶道布衣尊中興將相功成後何
不被裘共此村

王安修初名文治字後村歙縣人諸生有後村詩集吳

越游草

詩話後村以詩才名白下其吳越游草諸作飄逸清
遠出入韋孟中年絕意場屋潛志文史而早衰多病
迭遭喪訟哀樂歌哭
一託諸詩多可傳者

梁臺城歌

東西華門血沒腕湘東一目倚柱觀掘尾狗子何太狂斗
鹽置腹免肉爛江南老公自貽患晉陽小兒知合變亡猿
賈禍及林木朱异納金蕭傅諫閉桁反袍臨賀王可憐羊
侃來酣戰王謝門高良非偶溧陽何意持紅綫淨居索蜜
雀穀空永福賣咨淚如霰三度舍身此日休百萬爲魚悲
淮甸毒螫滿懷將自斃況復一門親戚叛得失自我真何
恨盛衰過眼驚飛電臺城蔓草積悲涼野老荷鋤耕廢殿
鍾山慘淡昏雲煙湖水黏天叫秋雁憶昔空函定上流何
來跛賊覆金甌天命暫歸陳都督終見王韶鎮蔣州

九天祠後園曝背見園中洗菜者率爾感賦

雲散天彌迴旭日滿江城荒園交古木幽禽相向鳴曝背

坐盤石倏然病骨輕晚菘森玉立採擇趁冬晴池水寒可
濯沿流笑語聲比鄰更助力小憩依松棚場圃淨如滌嚴
風掃殘莖禦冬仰旨蓄齏鹽无他羸閉塞委天道勤渠媿
物情晚計良自得吾亦念吾生晚晚歲云晏溲落將何成

打碟子歌

秦淮水滿桃根愁短衫禿袖橫輕舟新聲爛漫煩手集材
童弦索紛嘲啁中有一技更奇絕非絲非竹喧中流聯綿
嘈噴巧應節輕撚急擊隨狂謳眩精駭耳暢絡繹浮音靡
靡哀箜篌林深霧暗黃鶯轉天空日暮游絲柔芭蕉急雨
間夜半斜飛密灑驚窮秋或云謝后如飛燕玉甌犀箸風
颼颼謝后以文犀箸擊玉甌爲歸風送遠之曲又云郭生擊邢越叢鈴碎珮語
幽修唐郭道源善擊甌邢越皆甌名坐覺鐙船簫鼓咽轉令坊市爭嚙咻

腐儒聞之三歎息雷鳴瓦釜黃鍾羞安得鯨音鏗六合一
破兒女聲啾啾

題舍弟師澹月榭

偶地逢清曠披襟謝毒塵竹煙浮檻細鳥語傍簷馴日暮
雲連屋樓高月近人寂寥城市夜坐對露華新

方山朝雪用昌黎山石詩韻

羣峯積雪朝日微寒光暗天鴉不飛雲卧乍覺衣裘薄山
餐耐可辭鮮肥平生性癖耽冰雪况復山行所見稀縱心
皓然策幾隊蹇驢齧冰苦朝饑高原下隰渾莫辨千村煙
火靜柴扉岡巒凜慄氣已結林枯枝折餘霧霏淒神寒骨
非人世底須輒暎夸妓圍崖傾澗響更幽絕嚴風激瀑霑
人衣此時放懷凌八極有如天馬脫羶鞵稚川仙去丹竈

冷空山獨往將安歸

山有葛洪煉丹遺蹟

前明黃將軍歌

公名金臺字伯修休甯人登崇禎癸未科武進士榜受知烈皇帝南都建

擢大鎮駐師京口見朝政日紊亡形已具棄官出浙江入閩廣知其無成遂隱居衡嶽祝髮為僧時登高長嘯旁若無人十餘年不與世事世亦無有知之者惟以母喪未葬晚年貽書故人冀襄厥事嗚呼惟忠與孝惟公兼之矣余姪瑁運滄其族子也間以其傳示余屬為詩雜誦再三因有感於靖南侯黃得功事靖南與公同姓皆武臣中知節概能自立者故牽連及之為長歌一首竊謂如將軍者固靖南所深許而靖南之忠勇壯烈赫然驚人當亦將軍所樂為同調者也既書此報運滄并題數行以識余感云時戊戌閏八月望後四日

金陵王氣歸何許渡江一馬化為鼠無愁日日醉深宮跋

扈人人開幕府忠勇爭推黃虎山

黃得功字虎山

百戰威名震吳

楚蠓磯授命鬼神驚虎山虎山真如虎緬維江夏多奇人

更有新安伯修甫蚤掇巍科恩遇深皇帝日子有禦侮拜

官幾日國旋亡勤王有志人共覩建牙京口望中興生不
逢時將奚補斬王一去江空流波光慘淡悲桴鼓權臣在
朝功鮮成長使英雄淚如雨棟折榱崩大厦傾空憐腐木
相撐拄崎嶇萬里蚤見機蘊義懷貞思遠舉衡山何必非
西山托鉢採薇心獨苦一彈指頃見滄桑猿鶴沙蟲何足
數掀髯一嘯洞庭波嘯罷淒然懷故主回首龍髯杳莫攀
關心馬鬣勞區處由來忠孝貫儒釋佛法無多誰領取古
人殉國各有道或死或生何齟齬虎山死與方景齊伯修
生與雪庵伍生死不同同自靖兩黃將軍并千古君不見
石鑄愁雲暗江渚青衣肉袒面如土花馬何心爭拜舞嗚
呼兩黃將軍并千古

游牛首

舊識牛頭路籃輿一散襟千村花霧合一徑竹煙深僧梵
空中響樵歌世外心白雲聊駐足款款話幽尋
鳥道荒煙外天風颯滿林空江涵雨霽疊嶂帶雲陰樓閣
爭高下松杉自古今舊游渾似夢一笑更登臨

西風嶺

暮色上西嶺蒼然滿平楚落照四山昏天闕翠可覩樓閣
鬱參差嵐氣翳復吐雲外度鐘聲煙中識樵語回首眇茫
茫江流自終古

過天盤嶺至祖堂山門望松林積雪淒神寒骨山谷

炯映清景可愛

鐘聲來古寺遲我下天盤徑阻披雲入松高帶雪看浮光
欺宵靄積照奪嶺旼日落風初勁諸天增暮寒

飲平山雙碧樓

把酒臨雙碧波光
照眼明天風吹海月
客思滿江聲塔護

蛟龍睡門尋鷗鷺
盟醉來幽興極漁笛
暮煙橫平山塔下江聲甚壯

相傳下有龍窟

錢佳字平衡號臨谷嘉善人諸生有遜溪詩鈔

陳燭門曰遜溪詩流出塵翳獨標性靈其淵冲瑩秀

處極似錢劉而敷暢流轉半入於元白含毫吮墨清

便映媚兼有流風回雪落花依草之致

自伏虎坪至白鹿庵

積溜昨方靜
欣看朝曦烘披衣啟山窗
山色逾玲瓏呼童

蠟雙屐未老
先扶筇危橋仄曲徑澄潭
激微風相依只舅

甥笑傲輕王公
乍探蓬萊室復叩梵王宮
怪石踞虎豹匹

練飛長空懸磴三百級
步步凌雲中小陂偶憩足
洗耳響

潺淙千尺石筍綠半嶺山花紅行行歷崎嶇振衣入幽叢
鬱彼般石臺蠲潔無塵封天柱當其前大滌後峙雄危石
瞰平陸幽蘭間青菘白雲迷遠岫濤聲沸長松山僧儘忘
機兀坐對春融截竹引清澗啜茗譚從容人生忽如寄百
歲會有窮戚戚將奚爲忙忙亦徒庸惜哉山水佳嘯傲輸
雷宗終當謝世鞅卜築九鎖峯

春日病中

可惜三春麗偏爲二豎磨病因趨事少貧乃負人多每歎
升沈異空嗟歲月過朝來試攬鏡星鬢更如何

丁廷烺字闇臣號易東嘉善人監生有恕齋詩鈔

詩話易東爲清惠公元孫工詩能畫嘗與同里錢
佳輯魏塘詩陳自唐迄明論事知人足備文獻

太原秋日

商飈一夜發蕭瑟振高林沙漠連關塞河山鞏古今有書
應候雁無語更聽礎正值菹鱸好能忘故國心

荷花

碧幹濯清漣亭亭淨炎暑微雨晚來過香風滿汀渚

高方字義立號渠亭江陰人有于于道人集

詩話渠亭以書法得名好漫游寄情山水康熙季年
至京師辭薦辟爲匡廬之游未至覆舟卒傳詩不多
有逸致

秋闈首日八王允辭薦卽事漫賦

無心帖括求高第復上梁王卻聘書祇爲耽閒成疾疢非
關傲世託耕鋤酒逢嘉會疏狂在秋滿長安寂寞餘自是
不歸歸亦得北來南去任樵漁

杏花絕句呈太倉王顥庵相國

花開豔說上林姿二月街頭未賣時不是折來頭上插曲
江春色有誰知

查曦字漢客天津人有珠風閣詩草

詩話漢客先世本歙人其祖僑居天津遂入津籍趙秋谷吳天章並以詩名當康熙戊寅己卯間先後至津稱詩者翕然從之漢客與游其詩日進足跡半天下多歷奇偉之境胸次益廣詩益工

病愈九日郊游

九日身初健西郊強一游遠山寒積雪孤樹老禁秋何地
尋黃菊他鄉易白頭那堪高處望風色逼人愁

歸里偶題

故園芳草獨歸遲桃葉成陰柳影垂舊燕語闌春已遠新
蟬聲動夏初宜輕紗細葛裁衣日小市長廊賣扇時趁此
清和好天氣且投蓮社一題詩

郭元鈺字于宮揚州人

商邱大中丞寓齋觀明宣宗黑白二鼠圖

高齋閒敞邗江濱紅檉小几無埃塵卻立況有班劍人何
物上案登梓行昔者隆準太祖孫手提圖錄當乾坤寶跗
妙蹟世莫倫揮毫幻出竊齧身一行欲前勢復蹲一似避
匿穿墉奔一體兌色清如冰一秉正氣衣元纁唧啾小語
若可聞欲穴寢廟窺鬢益錦窠裝褶潔可捫似此尙是無
牙君吾聞宣皇業崢嶸蹇夏論道楊歌賡滌除貪穢何諄
諄窒塞倖路官箴清此輩意態如火明肢體毛髮傳其形
麥鬚豆眼瞭然存鑄鼎象物神姦驚縱有甘口惡不悛白
日肯許行成羣洪永大業誰陶鈞賴此敏手工渲皴後來
爾雅蟲魚煩謂酌謂豹忘其真白日據社不可熏女奴飽

食睡思昏米脂盜食倉與困瓠肥不容丞相嗔一時暴鬪
黠鼠掀偷人目睛王其民衣冠齧碎食單貧此物與器同
繽紛周之成康漢景文唐稱貞觀宋仁神星羅棊布如排
勻若宣豈是尋常生幽圖織婦歌南薰猗蘭招飲頌羣臣
以類考之不待論公平東里光榮新

傾蓋亭

禾黍郊城道淒風人草草不見傾蓋賢秋原亭榭好一車
將兩馬獨過長松下漠漠路旁塵蕭條望遠身平生愧牢
落日暮但逢人

寄黃州許使君

平生睡足澤南州杜紫微言君似不人道小鮮逢敏手世
傳雙鹿從遨頭終年茹菟朝餐足盡日池塘暮雨收從古

光黃多異士莫教迴避庾公樓

馬振垣字金城一字心城號石墅汝州人諸生有卧雲

堂詩橐

詩話石墅受知學使湯西厓從游風穴白雲寺諸勝唱酬竟日所居城西蓼花村築石墅卧雲堂養親讀書問字之履戶外常滿

游風穴寺因宿默上人方丈

山門穿雲入夾路竹松美迢遞度石橋樓閣凌空起中有
默上人頗悉清淨理談經翠微中探珠碧海底天花如飛
雪紛墜虛空裏繩牀肯相借黃昏同棲止蕭蕭佛火清琅
璫鳴不已老僧聽溪聲禪心入流水愧余塵勞人詩酒徒
自鄙願借金篦靈刮我眼中眯夜久諸天靜鐙花結孤蕊
始知卧深山白雲冷衣被鐘鳴塵夢覺霞光東方紫無奈

逐羣動元悟何由始

紅毛酒歌

秦望山頭風夜吼一夕雪花深沒牖玉樓銀海徹骨寒石
鼎金爐火不守主人飲我玻璃杯云是南海紅毛酒紅毛
之酒紅於血色香異味三奇絕傾之一盞卽醺人葡萄椰
子失芳冽紅毛之國在何許或是暹羅真臘伍綠醅初醱
琉璃瓶一滴染指貴於琥聖人有道四海一異域傾誠貢
上國萬里飛槎航海來巨鼉怪蛟奪不得我欲飲此乘興
直上落迦巔指顧島嶼在目前蓬萊三山凌風到下視人
世空茫然

閒居

秋色孤村靜石牀獨坐時蓼花紅入戶豆莢綠垂籬佳句

吟難穩新書讀易遲且沽鄰舍酒莫自負幽期

訪連冲碧不遇

村煙澹澹夕陽斜傍水柴門老樹遮坐久主人渾不見東風落盡碧桃花

朱令昭字次公號漆園別號維摩居士歷城人貢生有

冰壑集

詩話集中弔李于鱗七絕二首頗致瓣香之意德州宋蒙泉為序言其才思橫溢若洪河千里一曲不妨泥沙俱下又稱其能書畫工篆詩與高南村相伯仲

春夜對月

柳際微茫月神傷憶往年玉人臨綺席瓊管和冰絃今夕空庭裏清光寒食前子規鳴不歇坐盡博山煙

瓜步

一篙春水綠於苔，鴨嘴船輕向晚開。
渡口斜風吹細雨，春帆無數過江來。

王敏字好古滿洲旗人有聽花樓集

詩話好古家世貴顯少嘗供奉內廷以病免益折節讀書遂以林壑老詩風骨清迥雅近中晚唐

同貽叟夜坐

何處舊繁華，蹉跎歲月賒。
故人雙鬢雪，寒夜一鐙花。
病欲居僧舍，愁堪卧酒家。
擁爐閒話好，與子老煙霞。

送人歸村居

水際茅齋碧靄間，東風欲趁杏花還。
一杯綠柳橋邊酒，十里斜陽馬上山。
芳草送人何寂寂，晚鶯留客太關關。
舊交零落新交少，爲說求閒未許閒。

言然字述子浙江山陰人有尊聞堂遺詩

詩話述子爲先賢大宗有學行工詩康熙辛卯江南
學臣疏請賢裔宜予世襲當及述子述子投狀謂先
世以守越留居久離墳墓請如前明衢州
孔洙讓公爵與在曲阜者例士林稱之

金陵

埋金誰道帝星懸花草吳宮事渺傳百戰山河雄半壁六
朝風雨冷殘年舉杯對酒原非策揮塵清談卻尙立惟有
秦淮一輪月夜深依舊照江天

登姑蘇城樓

雉堞晴開倚碧空百花深處館娃宮美人歌舞流雲外相
國祠堂落照中野燒煙荒迷遠樹寒江沙漲起長風多情
獨有青青草引得牛羊一徑通

趙以文字允明又字止庵錢塘人

詩話止庵工詩畫康熙癸巳游京師與繪萬壽盛典
圖後出居庸關塞外花草悉圖之識其名而歸詩篇

甚富多
佚不傳

夢歸吳山自鍾翠亭過半月池訪居雲處士得一澗
落花春水漫數峯殘照野雲閒之句醒而足之

故人何處掩柴關只在松陰鳥語間一澗落花春水漫數
峯殘照野雲閒偶耕已負林中叟識路空憐夢裏山握手
他時成一笑蕭蕭相對鬢毛斑

桃花嶺

暮宿嶺下村曉度村邊嶺危磴多盤紆羣峯競秀穎層疊
聳峻岫週遭俯清迴肩輿一徑通亭午欣躋嶺石亂溪泉
喧煙深崖樹暝古藤垂復纏苦竹敲且挺迴看曉來途蒼
茫隔雲影陰風歛吸來寒氣侵衣領空憶桃花春蕭蕭山
谷冷衝寒陟崎嶇踟躕不遑騁心神已屢驚吁嗟乎險境

如彼九折坂乘險語堪省長嘯歸去來明湖理煙艇

宿漁浦

漁浦乘潮泊蒲帆捲暮煙孤舟斜劃水危塔遠撐天客路
方經日離情似隔年悽然成野宿愁夢繞江邊

江浩然字萬原號孟亭嘉興人諸生有北田詩臆

法梧門曰孟亭少喜讀竹垞詩屢試不利棄舉子業
客諸幕府記覽日博注曝書亭集世推該洽詩如詠
春風云愛他寄得多番信要路聞門不世情題宋徽
宗白鷹圖云毛羽何須誇白雪官家曾為著青衣抒
詞寄意皆極深刻

過王舍莊宋龍圖侍郎張揆隱處有讀書堂東坡題

額今莫可踪跡矣以詩弔之

憑弔悲風幾白楊熙甯逸老舊時莊碑橫古道留殘照人
記躬耕說侍郎有母克成偕隱志無兒難問讀書堂吟樓

更憶韓倉士一代于鱗亦渺茫

施堧字質存號隨村宣城人有隨村先生遺集

詩話隨村爲愚山孫是集原名剩圃其子蘖齋重輯遺詩杭堇浦爲訂正之隨村家學淵源天懷高曠詩多行役游觀之作而於家庭師友間尤親切篤至

望張二懇圯不至

小別驚年過情深攬夢思每當花發候便數爾行期澗水流香細林鳩喚雨遲柴荆誰午扣吟苦不成詩

吾廬和放翁卽用其首句

吾廬雖小亦佳哉鎮日人稀徑自苔山鳥聲依風色入庭花影共月光來筆牀茶竈隨錢辦藥圃瓜畦逐歲開況是謝公樓不遠夢餘聊復笑銜杯

周泗字磬石巴縣人諸生

詩話磬石幼慧賦黃鶴樓詩纔九歲弱冠爲諸生客授土酋家恃才傲物竟爲所害鸚鵡句實爲之讖也

黃鶴樓

吾蜀青蓮曾擱筆今朝黃口敢言詩長江日月滔滔去大野風雲漠漠馳鸚鵡竟成才子恨梅花久斷玉人吹徘徊閣影樓頭我全不思鄉淚已垂

張元昇字時升號半園又號赤石山人江陰人諸生有

半園集

詩話半園孤介絕俗詩有高格游蹤徧浙閩秦隴中年歸隱荒江之濱不與人接沈歸愚未相識也採其詩入別裁集嘗寄詩贈之有云潮回疑蝕岸雲動欲移山穴並臺佟鑿門同栗里關頗致推挹

寒夜

細雨撲南窗孤鴻愁北渚寒夜角音闌空階木葉聚于以臨高秋忽焉懷古處巢許已成名唐虞亦徒苦悲歌復長

嘯渺渺向誰語

東軒對月

今夕不爲樂明月竊笑之
故人有好懷招我坐軒墀
涼風颯然至葛巾吹欲敲
金樽泛清醑滿酌不容辭
蕭條人間世昔人渺難期

贈別雲間高日采

兀傲嗟予舊清狂識汝新
蒼天憐骨格老眼拔風塵
倚劍寒鐙夜題詩異國身
從來嵇性嬾相對獨情親
乍見真堪樂將歸卻可憐
亂山孤客影斜日欲離天
別淚江亭上鄉心馬首前
淒涼分手處後會在何年

高秋

寂寞高秋晚微霜下古城
西風吹鬢老落葉入詩清
天地

孤鴻影關山畫角聲只思歸去好閒卧聽春鶯

舟中

一身嗟浪迹九月更浮舟宿鷺依頰岸寒花逐亂流江雲
昏帶雨市火細明樓漂泊孤帆暝悠悠動旅愁

冬日同徐息溟登野閣望華山殘雪弔李介立先生
與子一登眺誰人載酒來江聲吹不盡煙色晚還開山遠
明餘雪天高老異才寸心雙目裏何限夕陽哀

讀梧溪集感賦

牢落烏涇寓荒涼席帽峯艱危雙老鬢飄泊一孤筇天地
詩邊淚江山客裏烽故邱何處問惆悵望雲松

度隴雜詠

寂寞經荒縣蕭條只幾家邊雲迷古堞嶂月冷清笳小市

都無米居民不解茶破檐門不設愁殺曉風斜

晚秋感懷

霜濃日瘦半溪陰一片西風百感侵窮海天高寒鬢影空
山木落老秋心年荒貧病堅辭鶴竈冷淒涼泣問琴卻歎
吟殘重寂寞更誰載酒過花林

金義植字立斯又號東塘吳縣人諸生有抗塵齋詩略

詩話東塘早受知於李穆堂與沈歸愚友善少作有
好彈集誰定稟晚歲芟薙僅存十之二三定名詩略
歸愚評其詩曰清曰真並謂與其配唱酬楓江之濱
耳聾不聞世事得安分自適之趣可想見其風概也

清明前一日江上送友

朝雨霏微浥細塵露桃煙柳一番新粥香野店尋花路浪
暝春江喚渡人遮住馬頭頻勸酒撥殘鳳尾欲沾巾韶光
此際添惆悵芳草斜陽綠正勻

塘棲道中

西風瑟瑟水泠泠人倚篷窗酒半醒
秋老乍飛霜葉赤雨來旋失越山青
賣絲市晚炊煙斷春穀聲微野戶扃
前路淒迷何處宿愁聽哀雁下寒汀

歸愚述都門李穆堂侍郎話吳中故交殷勤見訊賦

此志感

垂老成何事空慚吳下蒙逢人問無恙忽辱隴西公清節
三朝重高文絕代雄龍門遠莫至彌感古人風

落木庵弔徐元歎先生

詩老風流盡猶傳落木庵孤根曾此託古佛直同龕竹塢
雲盤樹天池月印潭幽尋一追賞煙鶴下山南

暮春訪曾大漁村讀其近詠有贈

重訪知心江水湄
桃花紅落淺深枝
鼓殘狂士春風瑟
妙絕才人黃絹辭
同屬暮年偏較老
詎堪一別又經時
石橋回首斜陽路
長日重期細論詩

晚晴籀詩匯卷六十三終

晚晴移詩匯卷六十四目錄

邊汝元 一首

沈起麟 一首

周焯 二首

趙玉 一首

伊麟 四首

僖同格 四首

黃德溥 二首

戴晟 二首

劉家珍 二首

李必恆 四首

張泰基 二首

楊維坤 五首

毛序 一首

殷再巡 一首

李崧 三首

邢夢卜 二首

許夢麒 三首

吳應蓮 二首

程庭 五首

翟士鼇 二首

翟賜履 一首

許七雲 二首

吳邦治 一首

馬祐 四首

馬棻臣 一首

馬耜臣 二首

馬蘇臣 五首

馬枚臣 一首

朱雝模 二首

吳之章 三首

高瑾 二首

周莊 二首

于衣 一首

胡訓 一首

王啟座 二首

侯運盛 一首

侯運昌 一首

耿應庚 二首

田夢月 二首

賈詮 二首

吳琦 一首

郭年長 一首

李漢 一首

楊樞 一首

林荃 一首

王九徵 二首

顧瑄美 三首

陳喆倫 一首

魏儒魚 二首

劉正誼 一首

陸曾禹 三首

錢諒臣 三首

曹奕雲 一首

曹奕霞 二首

朱楓 四首

曹鑑乾 一首

孫炯 一首

金啟汾 一首

龔書宸 一首

彭湘懷 二首

羅兆牲 三首

徐閻 一首

徐爽 二首

陳珏 二首

黃華 一首

方還 三首

梁朝柄 一首

晚晴謄詩匯卷六十四

徐世昌

邊汝元字善長任邱人諸生有漁山詩草

虞姬

大王之所愛賤妾與騅馬時違雖不逝妾生胡爲者伏劍
君馬前待君黃泉下持此報君恩別淚不須灑

沈起麟字苑游天津人有誦芬堂詩

買棹送家次辰南歸

蕭蕭襪被寄星艤脈脈離情恨未降帆掛曉風吹落月棹
分秋水渡澄江遠山青處勞雙屐霜葉紅時醉一缸此去
茗溪何日到好遺尺素慰寒窗

周焯字月東號七峯天津人拔貢有卜硯山房詩鈔

與子愨上人溪上步月

溪上餘清景宵來更不同
水天雙月白林屋一燈紅
人境無塵想縉流有素衷
未知蓮社酒果否許陶公

秋日訪子愨上人留宿精舍

小別雲林數載餘一舸重泊古僧居
攜來紫蟹黃柑好正是斜風細雨初
野圃四圍秋寂寂山齋一榻夜蘧蘧
寒星數點流螢小猶似虛窗照讀書

趙玉字瑞君號琢齋滿洲旗人

春日游翠雲亭晚眺懷亡友

再至曾游處憑高望遠天
暮雲飛嶺岫春色暝人煙亭子
存猶昔鍾期去不還浮生瞬息夢
此日意茫然
伊麟字夢得號書樵滿洲旗人有種墨齋集

穎士用拙邀結社作詩奉答

古人重藏修結社事已末詩從性情出豈於此中得蘇侯
泮宮俊英聲久烜赫聞與元珍子兩雄動相扼昨枉尺素
書約我爲社客我不如元珍憐渠卧消渴難爲數相就塵
務互偏側倡酬豈不美所愧才力嗇飛札謝諸君斯言毋
厚責

春興

春風吹蓬廬屋上出短草嗟爾物何知欣欣及時好攜鋤
理花畦土膏射晴昊甲拆紛離披翦伐傷指爪指傷不足
惜勿使滋蔓老

晏起窗旣白疎簾透朝暉茶沸石脣響鳥鳴檐角飛扶杖
出門去看山偶忘歸流水清見底落花香輒泥翩翩新燕

子春社來不違

春農

昨宵一夜足春雨農夫起坐喜相語吾儕竭作及是時夜
半飯牛急命侶清曉紛然駕犁出山妻稚子餉炊黍簸簸
鞭響轉林間鋤破鱸血黃金土土膏已潤東作息牛羊下
來不遑食前途下馬勞農夫羨爾子孫事稼穡西成在望
慶倉箱富貴必從勤苦得十一輸官九及私耕鑿甯歌非
帝力嗟哉農人莫云苦含哺鼓腹誰知汝歲時伏臘烹雞
豚歡娛仰足事父母風波曾未到蓬門悠悠林泉傲巢許
僖同格字成之號用拙道人滿洲旗人拔貢

詩話用拙文譽藉甚不得志於有司退居鄉舍肆力
於古詩不躡前人舊跡所爲文辭幾百卷未編爲集
流傳甚罕

雜言

古墓金臺陰深林若城府墓前老華表夜半作人語不知
語向誰淒音雜寒雨甯事燕昭王莫見張廣武

秋晚行

秋原落日秋墳荒老狐出踞墳穴旁呼風向月嘯晚涼道
人步屨榛莽中拳蓬坐指枯髑髏吾與汝皆亡是公爾未
嘗死我未生野燐古血徒相驚歸歟試作秋晚行嗚呼世
人豈有不死身東坡說鬼君無嗔鬼亦豈不嘗爲人且與
嬾子烹秋茶寒鐙作蕊如作花道人夜久猶咨嗟

書曹孟德詩集後

健筆猶從霸氣生毅然橫槊主文盟東漢而上有其匹大
江以南無此聲安得短兵攻老賊坐看堅壘據長城詩家

共說黃初好七子何人口舌爭

夏興

水車幽巷寂無譁廿載重來此卜家二寸魚游三尺水獨
身樹長並頭花心清頓覺炎威滅地僻還令睡思加倚坐
蒲桃青蔭底夢爲蝴蝶到南華

黃德溥字子厚漢軍旗人有千頃齋詩草紅葉村詩鈔

山行

匹馬秋山路蕭森斷客魂白雲天際雁紅葉水邊村飄泊
征衫舊艱難傲骨存生平矜意氣此際與誰論

雙龍觀看花卽席拈韻得津字

萬壑藏幽境提壺及暮春花深疑失路泉響喜通津談笑
揮長塵沈酣卧錦茵歸途休秉燭片月挂城闔

戴晟字晦夫江南山陽人有寤硯齋學詩

讀韋詩了無一物可以擬似適僧贈梅花取以配之
左司其許我乎

韋詩如梅花暗香生清境孤絕淡塵想幽微具雋永花氣
洗垢氛誦詩令人冷看花億萬人真賞在和靖誰能解左
司世事甘與屏驅除雜念慮冥默得淵靜合之非聲色分
觀如形影渾忘詩與花悠然一笑領

題柴村畫

過眼雲煙跡已陳溪山誰主復誰賓偶來響答松林下千
劫難忘世外人

劉家珍字席待號鹿沙寶應人諸生有蠖堂稟北省集

藕花書屋集

泊瓜洲

日落停江櫂人家簇野煙潮聲喧入夜樹色遠浮天
燈火三更市帆檣萬里船遙聞京口路漁笛起悠然

送別陳子書

少小辭家作壯游秋風秋雨木蘭舟送君心似長河水萬
轉千迴繞渡頭

李必恆字百藥一字北岳高郵人有三十六湖草堂詩
集

文游臺

梧桐生朝陽翩翩鳳鳥至惟賢斯召賢莫之致而致淮海
天下才磊落負奇氣命駕來蘇公崇邱此焉憩孫王亦可
人談笑幸相值酒酣望終古青天照殘醉想見掀髯時崢

巖吐高議勝事近千載風流未墜地誰云培塿卑而作喬
嶽視臨川亦居停遺蹟無人識懷古發長謠霜風颯清吹

珠湖

好風從東來楊柳大隄綠菰蒲芽短短鳧鷖晴出浴扁舟
郭外去波光淡和旭俯仰懷幽人結廬傍隈隩潛姿媚孤
影奇光互天燭地靈斯人傑崛起振芳躅豈徒科名顯直
節著諫牘五湖波浩蕩望古引遐矚漁煙青葦叢飛起雙
屬玉

吳門徐昭法先生畫芝

壘珂輪困態最工披圖謾謾起清風定知崖畔叢三秀不
在祥符萬本中

四皓當年彊是非商山芝愧首山薇祇應乞與徐夫子閉

戶丹青爲療飢

張泰基字大復號蔗翁太倉人有關中集

田氏紫荆村

兄弟情如何昔聞田氏子堂前紫荆樹苑枯繫憂喜人同
樹欣欣樹爲人旒旒人情有斷絕樹亦從茲已感此權如
初復使成連理草木天地心終古宜不死我行過柏鄉驀
見紫荆里高榜揭當途意在風萬紀如今參商滿天地爭
說庭前荆亦紫

邯鄲道

侵星發沙河寒風叫騷屑南行邯鄲道沙深馬蹶沒磧礫
擊車輪碾磕聲不絕轟然一怒擲我骸驚欲裂縣以山盡
名地胡猶屹嶮叢臺竟何有渠水空幽咽因思古名都累

代生人傑杵日盡客忠羅敷完女節壯哉蘭相如此秦拌
頸血立功拜上卿迴車甘屈折孰謂人素賤迺獨憑口舌
故址我欲尋行程不得輟萬古蒼煙中英雄盡局鏑不見
抱枕翁富貴纔一映

楊維坤字地臣號定安又號素堂陽湖人諸生有研堂

詩橐花外散吟

詩話素堂十五入邑庠後省試京兆試屢不售遂絕
意仕進家故饒有池臺林沼之勝以三月二十四日
爲履道坊舉行尚齒會之期約同人有年者爲醉吟
社又以正月二十日爲香山生日率同人壽之又以
香山卒於會昌六年八月不知其日遂以八月望日
祀之又以東坡卒於常州爲七月二十八日亦於其
日祀之可謂
好事者矣

送道柔與其徒北上

與君耕研春復春掉臂結客遊重闈前年花發同就道今

年鵬徒難爲鄰五戰棘闥屢蹭蹬兩番京邸潛悲辛饑鷹
折翼向人叫老馬伏櫪安能馴惟君干鎔燄如電康莊贈
策雷與陳攫空蛟龍不可測下筆風雨誠有神蘇黃妙手
世誰似伊洛的派師傳真儒者氣象鬱年少謫僊標格疑
前身燕山紫桂逼天闕努力秋風探月窟市屠壯夫儻問
君道坤今卧南山雲

歸田園居

微雨洗高林迴颺開我襟稱心固爲好苟得非所欽汲汲
魯中姿遙遙沮溺心山川千里外懷古一何深
虛舟縱逸棹寒竹被荒蹊先巢故常在違己詎非迷中道
逢嘉友年饑感仁妻不眠知夕永束帶候鳴雞

出東門行與道柔

朝出東郭門暮出東郭門碧陰一帶榆柳邨迤邐數武便
蕭寺中有故人安經笥故人耽靜辟客來剝啄時時乘興
至館人怪我何恩恩我非看竹與問松三日不見病抑鬱
雄談萬古開心胸扣角歌者雜行賈炊屨屢時困五穀若
非任好小白賢那拭珠光出塵土誰家兒子狐白裘烹鯖
擗麟同五侯玉鞭銀絡倚微醉飄颻意氣橫千秋吁嗟天
道不可測道之豐者數偏嗇失意八九事尋常爲君屈指
一不得似我濩落尤相憐置酒當歌聊自便携蒲狎獵並
得志牖下矻矻徒窮年君不見樹梢斜日隴頭月亭午不
常圓又缺天公何意判晦明循環至理何煩說

村居晚眺

開簾欣雨霽煙火隔林微一徑牛羊入孤村桑柘稀長天

連遠水積霧塞巖扉彷彿聞人語溪南種樹歸

毛序字東球號青笠別號崧園太倉人有靜娛集

題離資園畫卷

離資園者琅琊二美先生所構也明嘉靖中分宜當國先生旋罹家難屏

息歸隱以離資名其園復繪為圖朋好題詩其上傷蘭芷之不芳怨蛾眉之謠詠惴惴有靈均憂讒

畏譏之意焉後百餘年為清河張蒿園廣文宅畫卷亦歸張氏歲丁亥正月五日招同人文謙其中

酒酣出圖示客各賦詩以紀之

在昔嘉隆際承平事粉飾海內主文盟王李兩詞伯小美復繼之火攻勢頗急何人秉國成烈焰正熏炙盈室惟棗施蘭茝遭掎擊駭機罹家難歸來避毒螫園栽五畝餘環舍清流激繪作朝川圖慘澹見筆墨卷軸牛腰粗縱橫滿篇什邇來百餘年齒頰尚嘖嘖張公黃門後高爽世無敵買斷謝家山猶存到公石畫圖已散落棄置等瓦礫公獨

購之歸綈錦加闕惜東風初解凍春溪漾深碧來繼斜川
游酒酣話疇昔晴窗展絹素香古色微黑風亭暨月榭指
示仍歷歷醉眼重摩挲瞪視三歎息古人構名園經營費
金帛鑿池引潺湲累石肖劣崩一旦高臺傾荒廢委叢棘
甯僅李與牛後世供笑啞茲園幸無恙復作高人宅橋邊
駐巾車竹下岸冠幘豈繫主人賢亦恐無此客後日儻重
來梅梢應放白

殷再巡字二南常熟人有香涇仙吏遺集

牆上草

纖纖牆上草日出猶青青須臾朝露乾憔悴不欲生卻顧
東牆下向日何其榮託根幸得所雨露皆有情秋盡或就
衰春到還發萌榮枯雖有數棲託焉可輕

李崧字靜山江陰人有芥軒詩草夕陽村詩鈔

詩話靜山僑寓梁溪以賈致富好吟詠有中晚風格
妻薛瓊素儀亦能詩有寒食絕句云村荒日日炊煙
少不獨今朝是禁煙
歸愚探入別裁集

萊石翁枉顧留宿聽雨

門掩湖村靜堂幽落葉深青鐙風雨夜白首故人心志在
留長劍囊空挾古琴來春毋爽約掉臂入山林

懷戴南枝

義士全高節傷哉故國春山河遺血淚天地寄孤身煮字
以爲飽採薇忘卻貧衣冠千古在歿世不沾塵

寄懷陶村兼呈樾亭

斜日滄江岸寒煙獨樹村空階餘鳥跡落日滿柴門心靜
聞天籟行吟惜蘚痕天涯知己隔此意向誰論

邢夢卜字茂林當塗人有白陽集

喜楊長文見過

乍驚聲剝啄門外有高車君自辭彭澤吾仍守敝廬情親
還似舊容鬢已非初不是憐同氣何人問索居

送兄之宣城

作客宣城去何時攬轡還亦知非別久無奈獨淒然茅店
更闌月長途歲暮天登高時遠望魂斷敬亭巔

許夢麒字仁長合肥人有楚香亭集

泛湖

西郊風物說方湖一葉扁舟寄興殊夾岸山高殘日小隔
林野闊暮雲孤香聞籬落花重疊影入煙霄雁有無黛色
波光看不盡渾疑身在朝川圖

秋江晚渡

落日澹洲渚揚帆破晚煙秋高霜葉白雲細浪花圓遠寺
一聲磬孤篷何處船柳堤燈火外尙有酒旗懸

湖邨訪友

我愛騷人住水灣當門湖水白潺潺安排游客牀頭酒供
給詩家屋外山笱榦著風低翠色苔衣經雨上新斑向誰
乞得丹青筆寫出邨圖一幅間

吳應蓮字藻湘號映川休甯人諸生有淇竹山房集

過嚴陵釣臺

桐江一線出天都兩漢高風曠代無帝座暫來居士跡雲
臺終少客星圖祇緣秉性娛山水不爲逃名隱釣屠試問
垂竿何處所凌空峭壁望模糊

黃山雲海歌

黃嶽凌空數千仞，千巖萬壑含精蘊。有時噴薄結成雲，彌
山徧谷皆繽紛。平鋪峰頂滔天白，五更變幻長空色。望中
洶湧如驚濤，天風震撼大海潮。有峯高出驚濤上，宛然舟
楫隨波漾。山巔古木氣蕭疎，何似桅檣列畫圖。風漸起兮
波漸湧，一望無涯心震恐。山尖小露如壘石，高處如何同
澤國。斯爲大地一奇觀，獅子峰頭最耐看。雲蒸山頂成滄
海，雲消山色依然在。須臾暘谷輝乍騰，片時滄海忽消沈。
亂雲漠漠歸巖壑，山頂波濤不復作。峰峰依舊插晴空，千
年絕壁留仙踪。

程庭字且碩，號若庵，歙縣人。有若庵詩。

陸陸堂曰：君以茂閣而具英姿於書，無所不窺。汰其渣滓，味厥精英，淡宕者如韋沈，著者如杜縱。橫奇闢

者於昌黎昌谷
間自標一格

泊木瀆鎮

小橋通野市遠岫入溪煙僧磬夜初靜漁燈人未眠長腰
炊玉粒縮項煮銀鯿願得攜琴酒牽蘿葺一椽

詠史

山頭凍雀語含悽陵廟荒涼渡渭時何負朱三還作賊箕
裘偏自五經兒

三垂岡上酒頻醺鐘簾還瞻舊羽儀一掃橫屍三十里軍
中怕殺李鷓兒

俛首兒皇劇可憐石郎千載負餘羶空傳十萬橫磨劍卻
陷盧龍四百年

無題效義山體

幽蘭咽露漂嫵紫雌鳳悽吟秋月死富平年少嬌無愁一
生玉輓迷花底十二峯頭聚碧煙彈破湘江五十粒青陵
臺下雙棲鳥不化鴛鴦化杜鵑無情網罟鞦韆索行驄莫
綰游絲弱散雲團雪不成聲銀瓶綆斷蛟龍攫玉鉤斜溼
疎疎雨笙囊繡襪埋香土橫塘西畔裊西風蓮花褪盡蓮
房苦

翟士鰲字永維涇縣人諸生

謁敬亭張尙書祠

名山有意待畸人猿鶴千年幸作鄰晞髮沅湘還戀楚采
芝商洛竟忘秦老臣心事風霜苦吏部文章日月新總欲
攬衣循北郭野棠花發不勝春

丹堊山椒一徑通往來愁絕望雞籠爲辭簪紱江城隱豈

願鄉村伏臘同古樹含煙平閣外歸颿送影夕陽中紛紛
客舍爭相識今日臨風盡老翁

翟賜履字非熊涇縣人諸生有清閣詩集

爲汪姚良兄作

與君相見日俱是少年時江樹侵行跡山雲誤客思黃金
皆失計白髮不須期浮念知非道高歌寄別離

許七雲字耕華桐城人諸生有芋畹集游粵草

望夫石

山上白雲影娟娟山下水流聲濺濺有情雲逐無情水一
去人間不復還將身凍合水雲汁朝朝暮暮山頭立明月
常明白日白嶺猿爲爾嘯於悒

山陰道上

翠亞層巒黯不分
嶙峋缺處露斜曛
石門礪道堆黃葉
蘿屋花樓鎖白雲
人逐鳥飛經嶺歇
風傳樵語隔谿聞
秋衣拚溼寒山露
愁別仙源麋鹿羣

吳邦治字允康歙縣人有鶴關詩集

詩話允康好學多材藝以介節清修爲同輩所重
僑居漢皋淡泊自甘詩古音鏘然無一俗調

題蕭尺木先生畫卷

余胡樂乎居廛肆
雙眼昏昏不識字
醉魂吟魄望林泉
好山不到楊州地
尺木先生古逸人
閉門爲寫山水真
萬斛漣漪滌埃垢
筆端不受纖毫塵
廿尺鮫綃一千里
澹翠巖巒澈秋水
埤垠樓臺霄漢中
紅葉青松道塗裏
行者鹿鹿靜者閑
冥鴻隱豹在其間
窗堆萬卷手持筆
一生著作藏名山
名山之藏乃幽絕
不應龍求不石齧
先生貌物兼貌

明倫彙編 卷六十四
心一束丹青若冰雪可惜東南此山川眼中下士心拘牽
婚嫁畢來頭白矣何時一鼓滄浪舫

馬祐字律周又號雲巢桐城人有善藏集

玉屏山寺

谷口時來往松風一徑深濃春樹皆綠亭午寺猶陰山色
清人骨谿聲靜客心偶然逢石坐無語獨披襟

同人飲澄響堂

何意翠微裏柴扉爲客開閒雲百態出舊雨一時來鳥亂
空山響花明宿雨催陶然同朗詠狂醉倒金巒

偕周筆峰買舟之吳門

綠楊吹雪滿河干煙水茫茫客路難白舫乘風容我共冰
弦邀月爲君彈山移斷岸孤帆過潮落空江二月寒此去

吳閶花正滿計程好向虎邱看

相如入都過晤邗江旅寓

昔年吟醉皖江樓彈指俄驚十六秋可奈相逢又相別滿
天風雨過眞州

馬棻臣字甘凝桐城人有健齋詩存

初夏集飲茲園

名園在咫尺過從屢開筵禮數寬先輩談鋒縱少年新鶯
初繞樹濃綠已成天花事春殘未彫闌芍藥邊

馬耜臣字小蘇桐城人有霍山詩存

歸抵樅陽

抱病歸來頓解憂四年人作仲宣游一生九死餘殘喘片
雨孤帆抵故邱野店喜嘗邨婦酒閒雲重上寺僧樓紛紛

到耳鄉音滿絕勝吳歌與越謳

晚泊銅陵

坐久步尤適臨崖一振衣風江漁艇急秋縣夕陽微估客
半沽酒人家多掩扉晚懷殊落寞鷗侶共依依

馬蘇臣字湘靈桐城人諸生有偶景齋詩鈔

詩話湘靈游滇南覽其山水輒為詩記之名萬里吟今其全集不概見馬氏詩鈔僅一鱗片甲而已

十日菊答謝巨公

老僧遺我十日花叢中尚有黃金芽忙搜旅舍覓盆盎疾
呼健僕團泥沙要扶強幹植根本先除病葉芟杈花頭
苦被束縛久豁如自直蓬中麻人情愛菊我愛影百影無
如菊影斜移鐙邀月月亦至縱橫滿壁飛龍蛇藐姑仙人
真綽約何妨背立珠簾遮澆花痛飲頗快意坐間隱隱花

咨嗟揚州市上作重九金錢買斷淵明家娉婷不嫁後時
節蹉跎坐誤春韶華我聞花語三歎息一歲一榮生有涯
君不見綺樓昨夜笙歌歇幾人冷眼窺窗紗汝從禪窟聽
說法可知微笑拈天葩蕭然相對共遲暮秋光儘向蒼公
賒

九日歐舫蛟門諸老小集老圃

不雨不風剛九日一邱一壑有三秋吾曹已作將紅樹人
事多輸未白頭到耳霜清初聽雁候門山翠漫扶鳩黃花
儻亦傷遲暮更與城南續舊游

斷鍼吟

斷鍼餘蓋篋開篋淚如絲血漬鋒鋞盡兒寒手線知昏眵
嫌布盨鄰壁借鐙遲習苦嗟慈母哀哀欲廢詩

謁杜樊川祠

杏花邨上草離離，古屋斜陽漾酒旗。知己一人牛節度，風流絕代杜分司。曾聞戰論諸兵略，只爲情多看水嬉。自去騷壇無格調，瓣香低首拜靈祠。

穀雨後二日程薌谿招同洪棕亭汪春泉方石堂游上方寺寺有三絕碑及坡公送李使君詩十韻墨刻在壁卽用坡公白板燒松煙爲韻分得燒字

故宮化爲寺，寺古春蕭蕭。舍舟踞隴首，極目沿僧寮。好風攬衣袖，吹我凌金焦。金焦不可越，匹練橫江潮。城中自歌吹，鳥外空煙霄。墓田卽云好，吟魂亦已銷。徘徊禪悅近，惆悵神仙遙。坐覺白晝靜，感昔蒼松彫。平山距數武，佳構青岩堯。歎息壁間字，難逃劫火燒。

馬枚臣字小駟桐城人有匣鋒集

樅陽寓樓

小樓遙向大江開極目雲天亦快哉楚水一灣藏萬戶漢
皇千古有高臺潮環柳岸漁蓑集風送蘆洲賈舶來勝地
可憐埋市井登臨誰是大夫才

朱離模號三農婺源人有三農集

村居

村繞菰田僻門依竹埒斜一泓沈碧樹三徑上秋花豈是
高人宅猶然野老家年來菊籬外亦復藝桑麻

不寐

浦口船還繫江頭雁已歸秋林欹一枕萬籟發天機咽露
沙蟲苦窺窗海月微涼宵清不寐無夢到柴扉

田疇彙言區卷之二十四
五
吳之章字松若號槎叟江西長甯人諸生有泛梗集

新晴坐月有懷

殘霞開晚霽新月瞰高墉庭花煙掩映池草翠蒙茸
塞帷理清歡素輝盪心胸良時不易得據榻揮絲桐
音響何清越隔戶來薰風光風非我私豈無伊人同

歸夢

東南歸路將千里高灘急峽石齒齒晝夜狂瀾吼
雷霆客子墜心驚不已舢艫戒嚴旬有餘及至抵家
差足喜昨夜扁舟何太輕乘風破浪獨揚舲出江入
江須頃刻依稀叱馭駕長鯨式遏倒捲亂流爭瘴煙
淨盡天廓清到門稚子權前迎入覲庭闈喜不勝
山妻呼酒酌中庭庭下黃花照眼明綠醅醅帶寒
香冽酣飲聞雞催曉月西風半夜撼樹

巔驚悟方知夢飛越

農家樂

茅結山堂竹結門何殊老杜住東屯投閒飯犢依鴉舅乘
興行田看鶴孫歲久不煩溪洗耳睡餘喜有酒盈樽較晴
論雨消長日自覺山家道味存

高瑾字方貢號山顏晚號留夫歷城人貢生有藉青書
屋橐

錦陽川

長橋漠漠陰崖下野草萋萋古寺邊柿葉正青秋未老行
人指點錦陽川

黃昏留宿在茅亭天上明河淡幾星穿竹過窗聲滴瀝石
泉一夜枕邊聽

周莊字子莊歷城人有獨喻草古稀集

詩話子莊居歷城北郭築茅屋松陰中閉戶為詩耿介寡合罕與世相接呂仲矩嘗與游既沒其子以治命送詩藁仲矩所仲矩命其子可亭序而傳之

獨坐

深林風雨多空谷行人少獨坐欲黃昏枝間嗁野鳥

旅夜有感

村舍雞初喚林垞月獨明殘更催曙色旅夢亂鄉情秋老風霜厲家貧道路輕白頭徒自哂衣食費經營

于衣字不塵號綸堂膠州人諸生有綸堂偶存詩

介根城

城中城外正新秋水色山光杖底收尤涉亭高村北角計斤庵峙嶺西頭蘆塘自放呼名鴨柳陌還驅化樹牛更欲

登臨期縱目荒臺竦處看滄洲

胡訓字近光號西溪淄川人諸生

尋般水源

策蹇西風探水源萬山堆裏亂雲屯紅霞晚樹殘秋路白
露荒田野豆村煙際魚梁逢荷篠人家籬落掩柴門陽坡
一帶巖巒好處處青瑤染綠痕

王啟座字玉斧山東新城人諸生有蓮香亭詩草

過錦秋湖望博興

荷花開徧錦秋湖疎雨斜風入畫圖十里長隄行未了柳
條煙重是蒲姑

秋日游柿巖

鱗鱗霜信染丹楓擘絮寒雲萬木空九曲溪流青嶂裏一

聲樵唱亂山中

侯運盛字宜初杞縣人有嘯雪堂詩集

秋意

階草露初白片雲當我樓梧桐八月老鴻雁一天秋木落
他鄉葉碓敲故里愁飄零傷范叔並少敝貂裘

侯運昌字敬韋杞縣人有玩極堂詩集

寄張舍人

裘馬東來日尙和停驂小院避笙歌僧將解制拈槌懶客
爲思鄉得句多書案無花留冷馥松庭有月浸清波囊空
每憶張公子燕市迢迢去若何

耿應庚字西曜襄城人諸生有鳳岡山人詩集

新秋

秋花如靜女不作時世妝
秋禽如山僧蕭然立斜陽
我心偶無事軸簾卧方牀
清風竹間來兩腋生新涼
小睡了無夢詎問蜨與莊

游甘露寺憩後山亭子望大江

鐵塔高臨鐵甕城天風浩浩送江聲
古來文物南徐盛眼底樓臺北固橫
漁笛亂催新月上海門遙束暮潮平
風流七百年間事何處茅庵認淨名

田夢月字霓裳襄城人諸生有杏花書屋詩集

春日西郊

山家游徧復漁家布襪青膾興未涯
閒步夕陽臨斷岸偶成新句畫平沙
晴川犢健犁芳草古渡樵歸帶野花
欲問阮宣居止處隔林遙指酒旗斜

明眼言圖卷二十四
寄答太乙先生

秋風嫋嫋雁飛初千里京華一紙書史館聲名綦叔厚文
園消渴馬相如扁舟半夜難乘興杯酒經年歎索居久闕
報章非爲嬾潁濱無計覓雙魚

賈詮字釋之號枳村襄城人有灌書堂詩

詩話枳村工書畫尤長於詩
屏跡山居終年不履城市

自西山歸

在山不見山出山憶山好始知居山人耳目亦草草峽底
石泉清巖上流雲碧游人有去來山水無今昔

西山秋雨

薄霧晚濛濛輕陰漫遠空白雲千嶂雨黃葉一溪風古寺
疏林外清流暮靄中巖花紛結子冷翠溼秋叢

吳琦字魏公襄陵人

同大兄馨聞蔣子勁草秋窗坐雨

偶然成小集暮雨坐來清道氣深疇昔天真老弟兄拈鬥
分險韻得句亂秋聲有酒今朝事何須問世情

郭年長字少鶴曲沃人諸生有燕居集

題畫

獨立意何如愛煞秋光好新霜催黃葉斜月銜山小

李漢字子雲潼關人諸生有西亭詩草

游飛來寺

尋幽入古寺曲磴躡層雲犬睡花陰破泉鳴鳥語分憑欄
延水色坐石絕塵氛紺宇來何處神靈自昔聞

楊樞字北一潼關人諸生

登方山西巖卜居

嵯峨盤谷路策杖此經過峯峻絕樵牧崖懸障薜蘿人踪
分徑草鳥語出林阿莫賦居難定松風任嘯歌

林荃字元草古田人諸生有放鶴樓詩集

靈聖寺

寺枕青山石徑斜鐘聲催月上梅花老僧曉起渾無事手
掬新泉試早茶

王九徵字明侯號卧山侯官人諸生有竹村詩集

長沙曉發由趙口分道入沅江

夜來風信緊曉色望猶迷別港遙分北連峯盡向西雲隨
沙雁斷天入楚江低爲近三閭廟羣鴉特地嘯

題曹山俱爲禪人畫松泉圖

別澗通泉下竹廚青苔白石任踟躕問年記取親栽樹笑
指門前第幾株

顧瑄美字輝六嘉善人諸生

入塞曲

鼓角歸榆塞三軍獵騎收關前疏勒酒馬上月支頭露布
飛金闕雲麾轉白溝君恩憐百戰中道敕封侯

浦口

白下多嗁鳥鄉心不忍聞千山懸別夢片雨過離亭急浪
橫沙白飛帆帶霧青夕陽江浦上孤客漫揚舲

金陵懷古

秦淮原接大江流綺閣還臨白鷺洲五馬旌旗曾北渡八
公草木護南州夜寒玉漏巖城雨月滿銅駝故國秋江左

繁華零落盡幾時王謝更重游

陳喆倫字安上號再生嘉善人諸生有慎微堂集

聞吳子登泰山絕頂遙有此贈

東望巖巖古岱宗攜筇獨上最高峯石壇曉映千崖月日
觀晴飛萬壑鐘天子何須尋漢策大夫空自號秦松憑欄
四顧無窮興有客中原恨未從

魏儒魚字雲皋號立泉嘉善人貢生

九日顧迂客雷阮徒招集吳山登高用昌黎人日城

南登高韻

令序恣閒尋吳人雅好弄微風況暄和吹帽不覺凍羣賢
欣畢至夙饒濟勝用飛步躡峻嶒慚余未能從彥先載酒
來次宗輒與共相攜升仙槎空闊隨目送石湖晚更平綠

淨絕攢葑白髮演霓裳
遏雲聲四縱方磬卜夜歡
茲游詎
空億詞客一流連
山靈亦增重

東荒田舍

雲吟月嘯儘徘徊
未與人間斷
往來繞屋惟聞深柳合
過橋便見雜花開
隱書攤處長爲主
鈍榜懸時暫占魁
續聚桂如容入會
尙當尋爾向溪隈

劉正誼字戒謀浙江山陰人貢生有宛委山人詩集

山游限韻

越峯萬疊清高與蒼穹
薄煙雲互隱現盤鬱列巖壑
茲山卧南隅芙蓉擎干萼
兩崖界清谿石髮細可擢
沿流陟崔巍飛翠眉邊落
危磴空際懸修綆差相若
翻疑太古初神工巧空鑿
紆回得平行心目悠然拓
古剝圍松杉疏鐘度

寥廓山僧宿所諧不厭逢迎數妙諦豎拂詮塵襟汲泉濯
卓午日影圓幽奇導我索老藤蛟蚪盤怪石虎豹攫湍激
金鐵撞禽喧絲竹作嵐封洞杳冥蘚蝕碑斑駁奮力躡崇
岡忘疲循略約海氣忽吹來天風唳孤鶴視聽乃一新斯
游良可樂歸途睠林巒斜陽紅半角攬勝有前期更訂山
靈約

陸曾禹字汝諧錢塘人監生有巢青閣學言

七夕

蒸暑尙未減佳夕忽我臨顧兔細雲衢宛虹垂華林綺窗
弄玉笛朱樓理瑤琴縹緲入銀漢淒涼雜清砧露輝金翦
刀風引素絲鍼始如合歡扇次愛鴛鴦衾髣髴琉璃帳依
稀環佩音感物興歎息莫言辰與參

送許星彩之灑溪

我與許子常徘徊湖上同登照膽臺
漁歌四起春草綠橫笛短簫送酒杯
人生聚散不可長江風五月芰荷香
別我欲往蘭溪去執手依依情自將
許子之父方秉鐸苜蓿齋中未蕭索
朝暮趨庭誨詩禮青山萬疊對高閣
去時漠漠雙臺高江岸煙深猿夜噪
倚天絕壁噴石乳動地清流湧翠濤
蘭陰山中蘭蕙多香風拂拂衣上過
一林翠竹籠煙靄百尺蒼松挂藤蘿
知君雅意事游衍紫霞白雲常在眼
山光夜映酒杯中幾番脫帽坐苔蘚

蘭溪有紫霞白雲洞

洞霄宮

洞霄真福地上帝自高居鶴語依軒竹
龍鳴出水渠松臺春草發石壁晚花疏
自有乾坤大何須步碧虛

明臨泉言函卷六十四
三
錢諒臣字逸宣嘉善人諸生有霽堂初集

石門澗

石門如崇墉削石立萬仞上翻雲濤雄下激雷霆迅堂隍
欲相合天匠開一壘萬壑闕英奇日月曾莫覲六月擁重
裘森陰不可進遠公石門詩大雅發清潤朗詠過前峯深
篁韻疏磬

宿天竺

山徑輕寒斂暮雲月窗松影夜將分不知何處峯頭雨并
作泉聲枕上聞

贈沈南疑

欲唱仙歌訪羨門琵琶舊手賤崑崙花朝重理雲和曲待
撥鷓絃與細論

曹奕雲字天街號陸笑嘉善人諸生有寶綸堂集

題友人草堂

草堂工結構曲折趁溪灣卽此可容膝何須更買山鳥嘯
萬籟靜花落一庭閒自得幽居趣甯妨日閉關

曹奕霞字秉生一字哲庭晚號白村嘉善人監生有白

村集

雙劍歌爲周蓉湖銀臺賦

何來匣底雙芙蓉光怪燭屋明秋虹天地之寶恆萬鍾非
公博物誰昭蒙七閩云厯三十峯遇人談劍名猿公劍雖
不得其述窮求之鑄者靡良工于鑄自古競楚風方彼百
鍊鑪冶紅鬼神守護日月鎔良由造化非人功低徇往事
餘形容到處已成踏雪鴻今茲建甯侯姓龐命誰巧作山

骨銅兩蚪躍出雌與雄公久望氣如司空得來仍在閩海
東神物固與奇士同晦顯豈必殊霜鋒縱使埋沒糞土中
精采齧蝕光愈融星文况鑠銀臺崇斗牛電掣凌蒼穹寶
裝漆鞘聲鏦鏦挂壁日惟圖史共舞時更與書法通佩之
豈止庇一身欲衛吾道驅陰雩劍得其人其遇隆不隨下
客彈魚轡酒酣斫地曾無庸軒開有綠氣鬱蔥摩挲三尺
愁吳儂

題友人華嶽詩後

太華煙巒在一筇自言親手摘芙蓉更無人泣蒼龍嶺只
有君登落雁峯歷歷秦關歸指掌迢迢星海瀉心胸卧游
挂我詩瓢處尺五天邊萬樹松

朱楓字近漪號排山錢塘人有排山小草

蘇堂集

游皋亭山

憶別皋亭去游蹤久寂寥十年孤艇子又泊半山橋
塢竹寒逾翠崖霜曉未消閑心皆可樂木葉下蕭蕭

登覽渾難盡孤亭接海天潮聲連澈浦雲氣蕩沙田
水遠浮鷗外林疎落日邊歸船疑列岫北郭晚凝煙

游杜曲李氏桃溪村莊

高下懸崖寺縈紆亂水灘疎鐘雲共遠積雪暮增寒
二寸魚偏美三蕉酒自寬川原饒野色帶月倚門看

過靈隱寺至石人嶺有懷鈍丁借秋閣禮九蓮觀音
之約

花飛欲盡奈何春賴此扶筇自在身
礪水有香松粉落寺門無路蕨拳新
深林數筍頻留步遠壑尋源屢問人
迴首

借秋高閣上隔年尙滯九蓮因

曹鑑乾字端穆號穆堂嘉善人諸生有谷蘭齋橐

狎鷗圖

清吟瀟灑狎沙鷗回首蓬萊是舊游恐著羊裘勞物色草
衣雲卧罷垂鉤

孫爝字奎章號立夫嘉善人貢生有華黍莊詩橐

顧黃門祠

水邊祠宇碧雲連曾此棲遲撰玉篇草樹蒙茸濃更淡無
人可繪六朝煙

金啟汾字禹甸號望岳廣濟人有桂樾堂集

浮渡石

鬼斧何年劈穿巖水一灣前朝仙尹筆遺刻斷崖間石帶

寒泉潤苔皴古字斑清幽探不盡日暮未知還

龔書宸字雲來號紫峯漢陽人諸生有蔗味集

舟行

如駛舟行疾聲喧萬馬歸奔雲隨岸轉遠樹負天飛風足
帆能飽江寬浪亦威好山難注目檣燕漫相依

彭湘懷字念堂號棟塘漢陽人監生有三山游草西湖

紀游獨持皋廡諸集

過滹沱河訪嚴明府不遇

咫尺滹沱岸揮鞭逐晚風嚴城秋色裏匹馬水聲中遠道
慚崔瑋高名羨左雄廿年買絲願惆悵夕陽紅

輓莊先生見過感賦

聽到琵琶聲便吞十年牢落那堪論龍門無處尋元禮馬

晚唐詩話卷之十四
三
廡還來問孝孫日望長安春樹遠蘭拳芳渚暮雲昏先生
睡足余何往只合相從共酒尊

羅兆牲字鹿游遵義人貢生有明日悔覆瓿北上問石
諸集

銅雀臺

漳河曲曲瀉平沙魏武移澆銅雀花兒女銷盡英雄骨遺
言朔望望陵哭生作疑塚七十餘知爾西陵何處居畢生
辛苦爲誰忙歡娛極處儘悲涼龍泉欲吼飛光絕不到今
時已斷腸

讀陰二所寄詩

孤影無情難一語殘燈餘燄暝三更新詩讀罷出門望今
夕夢從何處行

麻柳灣

宛是當年載酒時一灣春水映疎籬
山花莫訝人非昔日屬東風愛惜吹

徐閭字小騫號澹園銅仁人諸生有澹園紀年詩集

春雨

遙遙疏柳帶長汀山色朝來一抹青春在
雨中人不見杜鵑

鵑嘯與落花聽

徐爽字召伯銅仁人諸生

詩話召伯澹園弟少年有志節詩清渾瀏亮年二十
七遽卒澹園有九日哭弟詩云無復登高興孤齋只
掩扉淒風吹落葉疏雨暗斜暉池草魂空斷原鵠
望已違琴亡人不見顧影獨沾衣詞旨至為深摯

游茶園山

危峯高矗立俯瞰白雲流霧重晴疑雨山寒夏亦秋
狢猿

緣屋叫魍魎逐人游轉憶逃秦日蕭蕭木葉愁

讀漢武本紀

羽檄頻年出鳳臺邊雲漠漠戰魂哀可憐拋盡沙場骨不
換單于寸土來

陳珪字比之號雙山廣東海陽人有硯痕堂集

秋陰

無端秋改色黯淡四山同古木昏鴉外低天落雁中迷離
三徑菊寒峭一簾風願借江邊笛吹雲散遠空

江夜

篷窗憑望渺無涯日暮孤舟泊淺沙幾處清猿哀落木滿
天寒露溼蒹葭鄉心惻惻天難曉往事茫茫月欲斜一自
飄零江海上不勝雙鬢惜年華

黃華字太華饒平人諸生有四牧堂詩集

宿馥公僧房

方笠枯藤衲子裝
閒隨巢燕寄僧房
花埋紅雨當三月
城帶青山入夕陽
古寺庭虛封薜荔
荒陵碑廢上牛羊
桐陰話罷茶煙冷
又聽鐘聲出上方

方還字莫朔番禺人諸生有靈洲詩草

結客少年場行

生平負奇氣
結交徧邯鄲
邯鄲多年少
相邀重一言
探丸入公府
拔劍洒重冤
一怒震都市
片語折酈樊
昨日羽書至
烽火照邊垣
慷慨願從軍
挾矢到轅門
奮身作前驅
所至皆摧殘
敵人望旗幟
各各心膽寒
大小三百戰
肌肉無寸瘳
舊疆皆已復
露布入長安
天子賜顏色
列土爲屏藩

再拜不肯受大笑歸邱園

金山

岷山東來盡中流一嶼孤潮聲連旦暮山勢帶荆吳未雨
雲充棟將風樹落烏夜深江月上疑是坐冰壺

送友人歸黃山

秋色滿城樓秋風古渡頭此時一揮手孤月在扁舟草折
黃花老天空白露稠十年還故國歡喜入新州

梁朝柄蒙化人諸生

弔陳翼叔石棺

荒阡斑剝土花紅烈士何年卧此中地禁樵蘇同柳季天
留石槨與滕公雲根自闕詩猶在翼叔有自爲石
棺詩和者甚眾玉樹長
埋恨未終我亦伯倫頻荷鍤聊將杯酒酌秋風

晚晴移詩匯卷六十四終